


Epidem. 480



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A






Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3482/A

B. G. XV. 25



D. D.

Michael Pargenwiler

unt. 5. 16

A. P. S. N. 16 CCXXI. 1601

Legato V. 1601

15. A. 15

25757

Payne
12/17/11

3482

A

T

10

1218

MAG

IV

T H O M A E
J O R D A N I M E-
D I C I,

L U I S N O V Æ I N M O R A V I A
E X O R T Æ D E S C R I P T I O:

ad


M A G. E T C L A R. V. D. D. J U-
L I U M A L E X A N D. T R I D E N T.

I I I. E X O R D I N E
I M P. P. P. A V G. G. G.
A R C H I A T R V M.



F R A N C O F V R T I,
A p u d A n d. W e c h e l u m.
M. D. L X X X.

2



T. IORDANVS
MEDICUS CL. VIRO
D.D. JULIO ALEXAN-
DRINO S. D.



Uotiescunq; mentem
subit suavissima re-
cordatio dulcissimæ
conversationis, Vien-
næ inter nos habitæ:
certæ meæ me sortis
nunc pudet, tædet, atque miseret. Nam
cúm illustrioribus Galliarum & Italiæ
gymnasiis peragratis, eô concessissem:
tanto amore benevolentiaque me com-
plexi estis, ut humanissimarũ gentium,
eruditissimorum virorum, quibus un-
quam cõvixeram, blandissimos vultus,

E P I S T O L A

in exteros raram pietatem, & mansuetudinem, multis parasangis mihi superasse videremini. Lutetia quidem in Philosophia Adrianum Turnebum, & Iacobum Carpentariū: in medicis Goupylum & Duretum audire contigit. In Monte Pessulano Rondeletii primū, postea etiā Jouberti domestica usus sum familiaritate: Patavii, Trincavellam illum magnum, Bellacatum, atque Capivacium praeceptores habui: Bononia, prae-ter Fracancianum, etiam Cardanū admirandum: Pisis, Vidum Vidium: Romae, Bartholomaeum Eustachium, docentes audiui: agris autem in visendis Hippolyto Salviano & Alexandro Petronio assēclam me prae- bui. Hi, pro solita sua humanitate, ingenio formando, meque erudiendo, ut nihil reliquum fecerūt, ita indole mea qualicunque delectati, nescio quid minime gregarium de me sibi promittentes, scientia

DEDICATORIA.

suæ thesauros a me absconditos esse noluerunt. Viennam cum veni, non semper auditor, sed quæ lucubrationibus aliquot annorum audita & observata recondideram, in publicum producturus, Viros Senatorios graves, Medicos principes, vereq; Imperatorios, quibus Cæs. Aug. sobolisq; Augustæ valetudo credita erat, te in primis Alexandrine clarissime, tum Cratonem, Franciscum Parthinum, quibus posthac Biesius cooptatus, emporium verè Medicum reperi: qui in suam clientelam me receptum, instituere, promovere, & evehere nunquam destiterunt: adeo, ut cum ego illos colendo & observando, illi me ornando, par pari referremus, sui desiderium, quod optimè meriti præceptores antè mihi inflixerant, vice illorum abundè expleta, non tam aboleretur quàm leniretur. Admissus a vobis interdum ad medicas deliberationes, veluti anserem inter olo-

EPISTOLA

res obstrepentem, indulgentia & facilitate vestra patientissimè tulistis: tum, in activa medicina, si quid circa agros terrificum aut insolens contingeret, oraculum vestrum mihi perpetuò patuit, unde nunquam nò doctiorem me discessisse, neq; ut in Delphicis, ambigua responsa, sed certissima curationis praecepta semper retulisse, necessariò me fateri oportet. Nescio quo meo fato in has sum devolutus terras, ubi, licet ad vitā honestē neque illiberaliter traducendā, omnia abundē suppedientur, animus tamen suo destitutus pabulo, reciproca studiorum emulatione sublata, commercio literatorum privato, quid voluptatis residuum censes?

Steriles absque socio Musæ.

οὐκ τὲ δὴ ἐρχόμενοι.

Et amant alterna Camœnæ.

um tamen vitaturus improbam
nem desidiam, ne vili torpescerem

ocio,

DEDICATORIA.

ocio, quorum specimen videras, de peste tractatus absolvi: in lucem edidi. Postea ægris totus mancipatus, circa quid ingenium exercerem, vix aliquid ἀξίον suppetebat, cū ex improvise novus hic morbus emergens, meditationi materiam suggereret.

Auctores tum mihi fuerunt viri prudentes, sacrosanctæ amicitiae nexu devincti, ne, cū publico in provincia Medici munere fungerer, mea ætate, urbe domicilium mihi præbente, exortum inopinatio morbum, & quidem κομικὸς νόστος (alioqui reprehensionis crimen me vix evasurum quiritantes) intactum silentio præterirem, sed quid de eo censerem, meam dilucidè illis aperirem sententiam. Morem gessi: historiam paucis pagellis pertexui: quibus limatulo & politulo tuo opus est iudicio: ut si quid θεὸν ἐνεστὶν εἰ τῇσι νόσοις, tuo calculo comprobares: tum quasi ἀπὸ τῆς μν-

EPISTOLA DEDICAT.

χαῖνς certissimo curandi tramite osten-
so, exemptisque tanta peste mortalibus
πρωτοδαπῶν ἀλέκτηρ υἱῶν summo tuo
jure dici mereare. Pignus quoq; meæ
gratitudinis & observantiæ eas esse
volui: e quibus, et si gloriæ laudique tuæ
nihil accedere poterit, nominis tamen
tui celebritate illustratæ, tui inquam no-
minis genio ceu prætextu quodam ora
plurimorum pervolitando, fortassis et-
iam alios, ut de hoc morbo novo vel com-
mententur, velejus causarum investi-
gationi sollicitiûs incumbant, sunt invi-
taturæ. Hoc, ut sincero animo profe-
ctum, tua consuetæ humanitate susci-
pias, meque paterno tuo amore prosequi
ne cesses, quàm maximè in votis habeo.
Vale. Brunna Marcomannorum,

XVIII. Octobris. Anno
M.D.LIXXX,

MAGNI-

MAGNIFICENTISSI-
MO ATQVE EXCELLEN-
TISSIMO VIRO, DOMINO
THOMÆ JORDANO, MEDICO
apud Moravos celeberrimo,
Domino & amico meo
honorandissimo.

SErius omnino, quàm putassem,
aut voluisssem, rescribo, vir præ-
stantissime. In causa fuerunt
occupationes quedam meæ, nec
satis leves. Quæ tamen tam esse
graves non potuerunt, ut doctissimum com-
mentariolum tuum, cū literis unā ad me mis-
sum non statim perlegerim, continuoq; adeoq;
etiam continuè, lectione nempe continuata e-
volverim totum, idque cum maxima inter le-
gendum voluptate, animique satisfactione.

Delectavit me mirum in modum novitas,
delectarunt doctè in primis atq; eleganter ex-
pensa atque excussa omnia, aperte que latere
videbantur contagionis hujus causæ, probata,
confirmataque argumentis, rationibusq; non
inanibus cuncta, edita signa, notæque allatæ.
Quæ diversum persuadere videbantur posse,

E P I S T O L A.

eadem responsionibus confutata in primis efficacibus, valdeque argumentosis, atque adeo quidem, ut quum primum inter legendum, nonnulla, ut tunc videbatur, animadversione aliqua digna occurrerent, paulum deinde progressus, responsum omnibus, objectionibusque quaecunque fieri potuissent, satisfactum ad plenum esse viderim. Itaque de hoc tibi gratulor, teque ut medicinam nostra hac tempestate ditare, indies magis magisque hoc modo, atque his semper rationibus pergas, valde hortor. Quod autem, ut innuere videris, libellum hunc nomini meo dicandum esse existimaveris, id verò nequaquam facias velim, teque summopere rogatum volo, alium tibi queras, quem amicum hoc nomine facias, unde studii plus, & consilii, & favoris, & operæ, ad res promovendas tuas expectandum tibi sit. Non quin eadem ego quoque, & quidem pro veteri nostra amicitia, libentissimè præstuturus sim pro virili parte mea semper: sed senem vides jam me & invalidum, longeque gentium absum, ut exhibere me offitiosè paratum, quod res sepe requirunt ipsæ, si maximè velim, non possim. Habesque jam multorum annorum amicum meum, ut non sim tibi novo aliquo offitio aut munere devinctendus. Sed is adhuc sim, qui tecum

E P I S T O L A.

*cum semper fui, ac futurus in posterum sum,
quoâd vixero, hoc est, amicus ex animo, quiq;
omnia tua causa velim, moresque tuos & pro-
bitatem, amaverim & eruditionem, nunc ve-
rô etiam exosculer, ut nihil propterea frustra
jussurus sis, si qua in re tibi me, aut rebus tuis
inservire posse putas. Vale. Tridenti 17.
Febr. 1579.*

Ex. T.

deditissimus,

Iulius Alexandrinus.

I
THOMÆ JORDANI
MEDICI,
LUI S NOVÆ IN MORAVIA
EXORTÆ DESCRIPTIO.

BR V N N A urbs Moraviæ
primaria, Ptolemæi com-
mētatoribus Arsicua & Ar-
sicina: ipsa veró regio, vete-
ribus Marcomannia dicta
fuit. Fatale nomen urbi inditum, vio-
lenter detorto vocis etymo, sunt qui as-
ferant: ab ardendo nimirum, quód ante
nostra secula, ante hominum inquam
memoriam, sæpissime igne conflagrave-
rit, usurpatum aiunt vocabulum: quasi
veró τὸ αἰθεῖν, αἰθάλειν, φλέγειν, vel τὸ καίεσθαι, in vo-
cabuli deductione aut pronuntiatione
quid habeant cognationis mutux cum
ardore seu Germanico *Brennen*.

Satius erat, missa obsoletorum voca-
bulorum curiosa disquisitione, ab irriguis
fontibus Brunnam indigitare: nisi diver-
sum comprobaverit *Brno* Boemicum,
περίγειν, περιόσσειν, vel τὸ περιέ non prorsus dis-
crepans. Et qui agentes Henetas & Van-
dalas

dalas initio has terras possedisse, oppidis-
 que nomina imposuisse a veritate nō est
 alienum. Ortui, Meridiei & Aquiloni-
 bus exposita est. Collis editus occiden-
 tem claudit. Occiduæ inquam urbis pla-
 gæ imminet mons: ejus supercilium arx
Spilmberg, Marchionum Moraviæ Re-
 gia, & Matthiæ Pannonum Regis novem
 mensium obsidione celebris olim: ignis
 inclementiam & ipsa perpeffa cœloque
 tacta, modó vetustate ruinosa, propé jam
 collapsa, occupat. Dextrum ejus latus,
 quod meridiem spectat, vinetis cinctum:
 adversum, imó toto ambitu, circumquâ-
 que, fructiferis arboribus consitum &
 hortis decorum, conspicitur. Perfla-
 tur Subsolanis, Vulturno, Nothis seu Au-
 stris, Aquilonibus, Etesis: neque ita ar-
 duus & sublimis est mons, ut Favonios
 prorsus excludat. Inde aeris raram & mi-
 ram salubritatem metimur. Urbis re-
 gio Australis, loco editiore sacro Divi Pe-
 tri delubro, & mystarum ædibus splen-
 didior, in declive Eurum versus sese por-
 rigit, & totam urbem cum agro cōtiguo,
 uno quasi intuitu, oculis subjicit. Extrin-
 secus saxo arduo, rupe præcipiti, inaccessi-

saque, procul advenientibus conspiciendam se offert. Amplis, longis, spatiosis suburbiis, ceu ramis & brachiis sese urbs undiquaque expandit, iis præter cœnobia, superbę molis & structurę (Marchionum & Moravię procerum pervetustis celebratissima monumentis) tanta reperietur olitorum copia, tanta hortorum frequentia, ut cōtinua serie quibusdam locis ad passuum M. aliquot extēdantur. Amœnitas magna, splendor nullus, quæstus uberrimus. Culinariis siquidem dapibus omnis generis esculentis, oleribus, brassica capitata (sale maceratam, scrobibus altis subterraneis defossam, sordidū alimentum in annum conservant, & caules rancidos esitant) beta utraque, spinacea, petroselino, pastinaca, sisaro, rapis, raphano, allio, cepis, porro, lactucis, feniculo, pis, ciceribus, cucumere, cucurbitis, melopeponibus, coronariis deniq; plantis adeo referti sunt, ut ceu in penu & promptuarium thesauris congestis, majori regionis parti annonam suppeditent: imo ad vicinos quoque Austrios, merces culinarias & ruris opes catervatim deportent. Arbores tam ὀρεῖων fugacium

quàm ætatem qui ferunt fructuum feras,
ces, nuspiam universa provincia copio-
siores. Abundant cerasis tam dulcibus
quàm acidis, & quæ amarenas passim di-
cunt. Pomis tam decumanis quàm nanis
& mediis: præcocibus non minus quàm
ferotinis, quemadmodum etiam piris o-
mnium saporum, mitibus & quibusdam
adeó pertinacibus, ut cum Borea certa-
mine suscepto, vix mitescant esuiq; apta
reddantur, nisi anno vertente gravidas
novo fœtu arbores conspexerint, quasi
tum demû fatis cessura, cûm redivivam
posteris reliquerint sobolem. *Κοκκυμήλων*
genus exiguû, a loco denominationem
fortitum (Brunnensia pruna vulgus indi-
gitat) tam suavia, palato gratissima, cûm
appensa laquearibus aut soli exposita a-
quea humiditate consumta non nihil cri-
spa & corrugata fuerint, tam ciendæ al-
vo, citra ullam molestiam, congrua, ut si
spectes delicias palati, etiam ficus recen-
tes aut si quid simile aliud, facile præ iis
contemseris: dejectoria vi Cassiam &
Mannam longè a se relinquant. Eapro-
pter summopere primis mensis deside-
rata, vasculis inclusa in vicinam Sauro-

matum Cracoviam, Silesiorum Vratislaviam, caput Austriæ Viennam, aliaq; emporia, certatim cōvehuntur & cruda cōstantur. Expetita ob eas dotes, etiam Romanis Cardinalibus, hinc thecis inclusa exiguis, per veredarios cursores missa novimus: cujus inquam solutivæ facultatis merito, Myxariis, seu Sebestenis prunulis, licet facie differentissimis, accensenda, nonnulli statuere. Nigro & Suittano amnibus alluitur: quorum ille piscosus satis amplior a Septentrione: hic ab oriēte æstivo seu solstitiali e vicinis Boiemix jugis (quæ saltus Hercinii appendices dixerim) emergentes, ille Aquilonari & occiduo urbis latere prætervectus: hic Orientalem & Australem mœnium lambens partem, nō longē ab urbe commiscentur, & ceu ab ampliore hic absorptus, proprio nomine amisso, in illius coloniam & denominationem transit. Ager frumenti, omnis generis leguminum & frugum Cerealiū feracissimus, dives (ut ille ait) ubere glebæ. Campi patentes, prata virentia amœnissima, cis & uls fluvium Nigrum. Non procul absunt colles vitibus decori, nemora, valles irriguæ,

irriguæ, sylvæ non horridæ vel adeo densæ, sed quæ & ædium substructionibus & foco non parcam subministrent materiam. Palus nulla, aquis stagnantibus caret, nisi cum æstivis imbribus aut verno tempore nives montibus solutæ rapidos auxerint torrentes, qui raptis fluviorum marginibus tuguria segetesque abripiunt & campos latè obruunt. Sed hæc paucorum dierum calamitas. Imò cum Moravia piscinis ita scateat, ut magnatum hinc proventus emergat longè uberrimus, & propemodū affirmari possit, aquas nō multo minus quàm tellurem spaciū occupare, heic nullæ, nisi Septentriones si petas, intra miliaris spaciū sese contingentia quatuor saltem conspicias aquis limpidissimis repleta vivaria. Hinc evenit, quia solum sponte alimoniam profusissimè producit, annonamq; liberaliter suppeditat, ut gens durioribus nō exerceatur laboribus: cupediis, vino, & genio plus quàm par est, indulgent, oppiparis aflueti ferculis certatim sese invitant: dum epulantur carnibus pisces varia aromatum conditura infectos commiscendo, suam irritant ὀρεξιν: vineis co-

lendis, vini mercimonia quæstum faciunt, domi cauponariam exercent: Vivitur in diem, faginæ dediti voluptatibus cum sint obsequentes, parum juvant heredem. Agricolaë utriusque sexus, & quibus res sunt accisæ, ad temulentiam usque cerevisia sese ingurgitant, eadem locupletes mero æstuentes voluptatem explent: eduliorum duntaxat & cibarium præparationi aqua relegata: profluentem & quæ tubis advchitur in potu aspernati, puteales veró nitro pollutas accusantes, vinum & cervisiam illis substituant: eoq; parciores in aquæ dotibus perstringendis nos esse decuit.

Topographica hæc descriptio, si cui curiosa, non hujus loci neque instituti, prorsusque ἀποσδιώσθαι videbitur, telum acerbitalis in Hippocratem contorqueat, qui contexendis ægrorum historiis, morborum naturas pervestigaturus, suis περὶ ἰατρικῶν libris, non solum Thasi, Cranonis, Insularum situm accuratè depingit: cuinam mundi plagæ essent subjectæ, soles an meridianos, vel oppositos haberent, quas potarent aquas, cujusmodi legumibus vescerentur, ad amissum describit:

ſcribit: verum etiam oppidorum Cyzici, Abderis, Lariffæ, Melibœæ, ſitum, privatas egrorū ædes, nomina, plateas, vicos, fana, vicinos quibus domus erant contiguous portus, quali digito commonſtrat. Legere eſt Philifeus ad murum, Silenus apud Platamonem, prope Evalcis filios habitantes. Eraſinus juxta Bootæ torrentem. Melidia prope Junonis ſacrū in Dealcis horto. Alii prope Telluris, Herculis, Dianæ, ædem: Mulier in mendaciorū foro, in littore, in ingreſſu templi Abderitani, ad Thracias portas ibidem jacentes. Obiter iſta parciffimum verborum, authorem graviffimum Hippocratem, temereq; annotaſſe quis crediderit? Nonne exordio libri de aere, locis & aquis, medicis eadem ut obſervet præcipit? Nobisne inſolitum, ne dicam novum morbum deſcripturis oppidi delineatio tranſitoria interdici debuit? Vitæ inſtitutum & mores gentis, ſi quem pupugerint, *ὡς ἐξ ἀνδρῶν* eundem objicimus. Siquidem eo prætermiſſo, naturalabis, de qua paulo poſt ſumus dicturi, exacte cognoſci minimè potuiſſet. Cū enim non levis in diætæ examine medico in-

*Gal. in 3. E-
pid. Com. 3.
Textu 9.*

cumbat provincia, plurimumque inter-
sit, an cives vitam sub dio, aut trepidis a-
gant in rebus, vel umbratili vitæ dediti,
vili torpeant ocio: num ingluviei manci-
pati, temperantiæ legibus profligatis, cō-
tinentiæ septa transiliverint, aut frugalē
moderatamque amplectantur vitam: ha-
bita inquam diætæ (quæ non solum in ci-
bis & potibus consistit, sed & in omnibus
aliis, ut ocio, gymnasiis, lavacris, venere,
somno, atque omnibus quovis modo fa-
ctis in corporibus hominum) considera-
tione, tandem consequutione deducit,
an munda vel immunda, bonis inquam
succis plena, vel pravis humoribus tur-
gentia lues corpora repererit: quod
quantum ad curationem momentū ha-
beat, medicis est notissimum.

Brunnæ igitur lues, cujus historiam
pertexere instituimus, miseranda coor-
ta est: quæ licet paucos jugulaverit, eoq;
pestilentis denominatione minimè insi-
gniri debuit, insolita tamen facie, horren-
dis symptomatis, intra duorum triumve
mensium spacium, ad octoginta oppi-
danorum corripuit: suburbanorum su-
pra C. dicantur infecta, in cāpis omni au-
xilio

xilio destituti, passim oberrantes, visuntur infiniti. E censu illorum fuere etiam Equestris ordinis viri, cives spectatae fidei & probitatis, matronae famae integerrimae, intemerataeque pudicitiae virgines. Quid morbi esset, latuit initio omnes: magnus interea rumor, multa vociferatio: causarum nulla apud plebem imperitam disquisitio. Colluvies agyrtarum, quemadmodum vultures ad cadavera, spe praeda allecta, penitioris fomitis consideratione susque deque facta, cum perfunctoria indagatione nihil explorati haberent, in admirationem re conversa, aciem mentis non ultra intendentes, ἀμείβομαι καὶ ἀλόγως ad temeraria & tumultuaria confugere remedia. Prior si non successit, aliam aggressi viam, calidis frigida, imbellibus & ignavioribus remediis pollentiora, etiam si ab omni arte aliena, substituendo, etiam ad deleteria progressu facto, ansam porrexere peritioribus, totum morbum, ejusque curationem accuratiori calculo & examini subjiciendi. Tardius fortassis, eo quod prava non minus quam inveterata consuetudo adeo invaluit, ut mala quae in conspectum veniunt, aut

oculis se produnt (ut omnes cutanei affectus) missum factis medicis, solis toribus, & id genus impostoribus, hinc delegari soleant. Fortassis etiam medicorum olim has operationes fastidientium arrogantia huic divortio occasionem dedit non exiguam. Tria iuxta urbis Brunne pomœria publica instituta sunt balnea: in quæ sordium corporis extergendarum, & cute scalpello concisa, sanguinis per cucurbitulas extrahendi gratia, certis diebus confluere nostrates solent. Eorum quod extra ludæis cognominem (aliis viridem, ab excelso turris fastigio eo colore imbuto) portam, nobilius, splendidius, etiam Baronibus & Equestris ordinis utriusque sexus frequentatum, & ædificii nitore, servulorum muliercularumque solertiore diligentia, cæteris palmam eripuit. Et quia fons, Nigro proximus (qui fat lutulentus & ater) tanquam colamentum, aut incerniculo transmissam aquam limpidiorem excipit, eaque purificatione, lotionibus congruentiorem reddit. Extant ad Spilbergi radices aliæ, ubi puteus aquam plurimo sale nitro, & lapide calchario imbutam suppeditat: eoque vi
exter-

exterforia, nitidiorem quidem redderet cutem: opinio tamen vicit, ut illis potius voluptatem non utilitatem sectantes, loturi sese immergant & ibi delicientur. Il-
linc labis origo, hinc seminaria cōcepta, virus inde promanavit: haustum ibi ve-
nenum. Nam brumæ ipso die, quem solis in Capricorni sidus ingressu defini-
unt astrorum periti: vulgus Luciae festo insignem facit: duabus inquam dierum hebdomadis, ante ferias nativitati Salva-
toris consecratas, hyeme asperissima, An-
no salutis reparatae 1577. quicumque hy-
pocaustum sive Laconicū ingressi sunt, & cutim scalpello adacto, appositisq; cu-
cubitis perforarunt, omnes ilico corre-
pti putantur. Neque citó noxam persen-
sere: signa labis receptæ nō statim emer-
serunt. Sunt quibus octiduum occulta-
tum malum, aliis duabus septimanis, aliis mēstruo temporis spacio, pro robore ni-
mirum tam agentis (ut credere est) quā renitentia passi, delituit: demum publicē se extulit. Interim insueta quadam igna-
via seu torpore gravati: pigri, segnes, iner-
tes ad consueta munia obeunda, animo quoque abjecto, tristes vultu, cū nec

mens, neq; manus, & pedes, officium facerent, veluti umbræ non homines passim oberrantes conspiciebantur. Nativus faciei color in pallidum: vigor ipse oculorum in torvum, circulo fusco sicut mulieribus menstruatis deformem, subito immutatus: frons ex porrectior in caperatam & nubilam degeneraverat. Manifestis tum se prodidit indiciis. Vestigia cucurbitularum turgescencia exempló ardor invasit immensus & immedicabilis, quem fœdi abscessus & ulcera exceperere putrida, sanie taboque fluitantia: circumcirca pustulæ, palmum quoq; latæ, achoribus floridæ, quibus dehiscentibus, acu aut medicamine discissis, profluxit pituita tenuis, serosa, marcida, sanieq; mucosa: aliis etiam acris & erodens: tum caro cucurbitæ ambitu circūsepta, corrola, putrescens, tetrum ut e Telephiis ac phagedænicis ulceribus, invexit fœtorē. Vbi admiratione dignum initio, quód e tot affixis cucurbitis, cūm alii decem plus minus, tres quoque tantūm nonnulli apponi jussissent, una duntaxat aut ad summum duæ (socrui Laurentii sartoris, e quindecim, tres) ex iis omnibus in fœdā transive-

transiverint vomica. Nonnullis univ-
sum corpus pustulis conspersum, facies
informis, triste supercilium, horrendus
vultus, dorsum, pectus, abdomen, pedes,
loci, a summo ad imum porriginosa sca-
bie, crustaceis ulcerib. supra cutem paul-
lum elevatis, duum cruciatorum num-
mum vel unguis pollicis amplitudine,
ambitu rubente, candida superficie (ut
Tineam quam barbari vocant) polluta,
& deturpata, cernere erat. Manabant
hæc quoque pingui liquore, mucore len-
to, qui non pus, sed saniem referret luri-
dam, & τῆς πρώτης ἰκελον. Imo, scabie sublata, &
sanata, macula atræ, diversæ quàm ab im-
petiginibus aut vitiliginibus, plumbei &
fusci coloris, remanserunt. Progressu
morbi, in capite calli cōcrevere, qui sum-
mo cum dolore & ejulatu rupti vel dis-
secti, melleum quippiā, resinofum & te-
nax ceu ex coniferis arboribus laticē ex-
stillare videmus, lentum inquam & visci-
dum, marcescētis pituitæ argumentum,
exudabant. Abscessus hi sordidi, vere-
que cacoethes, postquam magna difficul-
tate expurgati, & non minore, carne rur-
sum producta, coaluissent, novum pro-

rupit symptoma. Vniverſi corporis artus, brachia, ſcapulæ, cubitus, humeri, ſuræ, tibiæ, pedes imi, puncturis quibuſdā quaſi aculeis, intenſiſſimè vellebantur, ac ſi ferris diſcinderentur, aut forcipibus ignitis laniarētur, (*ωειφραπκῶς* ſic ægri ſenſum doloris exprimebant) potiffimum ubi tibia maximè ex carnis lacertorum non fulta thoris a ſolo perioſtæo veſtitur. Membra pondere gravia, fulcra poſtula-
bant, ſuiſmet viribus nec ſuſtineri, neq; attolli potuerunt, imò & paralyſi quibuſdam minata ſuccollatorū beneficio erigi neceſſe habebant. Nulla tum quies, perpetua vociferatio, lacrymæ, gemitus, indefinenter torquentibus doloribus, nocte potiffimum, cū feſſa membra ſopore dulci reſciuntur, illis noctes pervigiles, ob cruciatuum vehementiam: auro-
ra adventante inanis quædam tranquillitatis umbra aſfulſit, poſt, adeo recrudere tormenta, ut diem accuſarent inſeſtā & inimicam, noctis verò imaginem & recordationem exhorreſcerent. Noctes irrequietæ, non unius, aut paucorum dierum fuerunt, verū etiam menſem integrum, fruſtra tentatis remediis, comple-
verunt,

verunt, ut magna mentem subeat admiratio, qua ratione, unico hoc symptoma-
te, viribus fracti, lethum evadere potue-
rint. Caput quoque non fuit immune.
Nā præter achoras suprà recitatas, gum-
mata, & callos, verrucis grandibus simi-
les, doloribus vehementibus infestaba-
tur, circa regionem occipitii potissimū,
qui præter virium imbecillitatē, vigilias,
etiam dementiam quibusdam invexe-
runt, quæ vix, mucro purulento, maleque
olente, per nares multos dies stillāte, mi-
tescere cœpit. Toto interim morbi de-
cursu *Ἀπόσιτοι πάντων γευμάτων διέπελον*, nec Ce-
reris neque Bacchi muneribus volupta-
tem ullam capiebant: non condimenta,
gulæ illecebræ, nulla ars, vel blanditiæ cu-
linariæ epularum illis desiderium inve-
here potuerunt. Conversationē omnem
aversabantur, contuitum hominum so-
litariam vitam captantes fugiebant, vere-
cundiāne suffusi, aut indignatione com-
moti, quód horrenda labe, nullo suo me-
rito, & spe auxilii exigua, asperfos sese
cernerent. Magno tamen hoc illis con-
stitit. Nam neque morbi ea erat natura,
ut in apricum illico se proderet, sed inti-

mis herens medullis sensim pabulum cō-
 sequutus radices agebat, viresq; depasce-
 batur: illi veró rerum omniū ignari, con-
 sili inopes, celabant tantisper, donec so-
 cios pœnarū plurimos conspicati, in me-
 dium affectibus suis propositis, mutuis
 collatis operis, communes deliberatio-
 nes instituerent. Tunc per fora, vicos,
 compita, & tabernas, de suo malo quisq;
 quiritari, & per *συνδρομὴν*, sive *συναδραιοσιὸν* si-
 gnorum, affectus similitudine deprehen-
 sa, uno ore pariter affirmare, ex hisce bal-
 neis virus se contraxisse, cū nullum la-
 borantem offendissent, qui nō iisdem la-
 vacris deliciatus cucurbitas admoveri
 fecisset, iisdemque ad unguem affectibus
 excarnificatus fuisset. Hoc non nisi mor-
 bo jam planē confirmatō & rudi quoque
 plebeculæ manifestiore reddito. Cū
 hæc plebis coitio facta esset, pars impetu
 in Adamum balnei præsidem factō, juri
 ut se sistat, poposcit: pars curiam adit, Se-
 natum deprecatur, ut de crimine inqui-
 rat, beneficii cēsura magat. Horrendum
 morteq; piandum scelus, in civium per-
 niciē conjurasse balneatores. Tumultu
 paulisper sedato, accersitur Adamus, cū

eo

co graviter pro enormitate facinoris ex-
postulat Senatus, minis interjectis, planū
sibi fieri vult, undēnam hęc labes? cujus
culpa? quid cōtagii? causam deniq; scisci-
taturus illuviei insolitæ, nihil præter lacry-
mas, mixtis precibus, & excusationes
extorquet. Sibi nihil constare, se nullius
criminis aut conspirationis sibi consciū:
multos annos honestē vitā hac urbe du-
xisse: famam integram custodivisse, bal-
neo præfuisse, & cuicunq; pro virili parte
inserviisse. Palām quidem contagium &
manifestum se non inficiari: verū ori-
ginis & causæ se prorsus ignarum, & cū
exortum sit summo famæ & rei familia-
ris suæ dispendio, ipsi examinent, quan-
tæ foret dementiæ, suam & liberorum sa-
lutem & fortunas omnes in tantū discrimen
sua sponte præcipitare. Ne nimium
Senatus prudentissimus indulgeat suspi-
cionibus, plagam divinitus potuisse im-
mitti, cū nulla ope humana māsuescat:
aut incantatorum maleficio profectam:
vel malevolorum, maleq; feriatorum ho-
minum invidia, clanculum in suam per-
niciem dolos substructos, & machinatos
illos esse. Daturum se omnem operam,

ut insons declaretur, causas quanta poterit diligentia perscrutaturum: ipsis verò pro sua prudentia, si quæ emendanda censuerint, vel ad penitiorem inquisitionem necessaria, ne se celatum velint, se vicissim nihil de rectaturum, etsi mille mortes ipsi forent subeundæ. Demum diris caput devoveri petit, si vel minimā huic contagio occasionem dederit, taceam si autor ipse deprehensus fuerit. Tunc ita fuit dimissus. Tumultuatum deinde in ministrum, cui ob dexteritatem, manus inquam agilitatem & promptitudinē, delegata erat scarificationis provincia. Vulnera is inflixerat, e quibus, ceu fonte, loco omnibus conspicuo dimanabant reliqua symptomata. Hero mandatum, ut hunc examini subjiciat. Adolescens duriusculis impetitus verbis, cum in se fabā cudi nō falsa conjectura prospiceret, carceres & tormenta quæ facinorosis adhibentur, veritus (id minitabantur Senatus cum Præfecto) in pedes se conjicit. Fuga suspicionem auxit, & in hominū mente opinionem de auctore conceptam confirmavit, a hero in ministrum transtulit: cum is, non tam quod causæ minus fide-

r,

ret, quàm terriculamentis & pœnis obstu-
pefactus, fuga maturé sibi consuleret. Se-
rió inungitur Præfecto, ut adolescētem
sistat. Hic Vratislaviam, Norimbergam,
Viennam, suis commilitonib. & balnea-
torum collegio, ut e fuga ipsum retrahāt
comprehensum, vinctum compedibus
huc transmittant, perscribit. Verúm ille
hactenus nusquam comparuit. Dein-
ceps, magicis incantationibus scalpella
& phlebotomos infectos, toxicove illi-
tos, clauitatum. Vt hæc quoque abole-
retur suspicio, balneator ferramenta o-
mnia exussit: medicas cucurbitas æreas,
quotquot habuit, confregit igniq; tradi-
dit. Ultra progressus, *πῖχος δὲ πύρος*, testu-
dinem inquam thermarum, cui canden-
tes silices insternuntur, ut aqua aspersi va-
porem ad sudorem conciliandum edant
(Laconicum uno verbo dixere veteres)
uná cum calefactoria fornace, a funda-
mentis diruit, & novos ignitos parietes
exstruxit, si forté vapor infectus illinc e-
mergens, ansam teterrimo morbo præ-
buisset. Neque ita conquietum. Instru-
mentis igne crematis, toto hypocausto
innovato, beneficii si quid in aquis latu-

isset, puteum terfunditus exhauriri expurgarique fecit. Netum quidem veneni specimen, visui sese obtulit. Invaluit postea rumor, præfectum ipsum lue Veneræ fuisse non minus quam ministros suos infectum. De eo cum nihil certi potuisset affirmari, eo devētum, ut essent qui asseverarent diebus intercalaribus, quibus publica non habebantur balnea, herum lue Gallica infestatos, calefacto eo hypocausto, solitum hydrargyro inungere, & ea ratione huic contagio occasionem dedisse. Iuramento ille se purgavit apud me, nihil unquam sibi fuisse commercii cum Gallicis, artem ungendi vel curandi sibi esse incognitam, nunquam ea se usum, neque id genus medicaminis unquam pertractasse, obtestatus est. Impunè hoc illi fuit, cum adiceret, neminē e sua familia, qui lauturis assidue subministrarunt, scabie hac deturpatū, aut doloribus excruciatum fuisse: quod agrē evasisent, si a balneo contagies cœpisset. Morb⁹ nihilo mitius agros torquere, nequicquam remittere, usque ad Æquinoctium Vernum, Solis in Arietis signum ingressu, circa quod tempus manifestē desiisse,

desiſſe, & Paſchatis feriis prorsus inter-
iſſe judicatus eſt, eó quód deinceps nul-
lus hac labe ex integro aſperſus, depre-
henſus fuerit. Vel quia iis balneis ſolitu-
do ingens, quovis ingreſſum reformidã-
te, ad alias migrationem iſtituerant:
paucis ruſticis exceptis, qui hæc vel igno-
rabant, aut ut nugacia ſpernebant & de-
ridebant: vel quia Prætoris vrbani edicto
Senatus autoritate interdictum fuit Ada-
mo exercitium illud: vel, ut omnem pror-
sus a ſe amoveret ſuſpicionem, quæſtu
pereunte, ſua ſpõte thermas clauſit. Gna-
viter interim, irritò licet conatu, ægris o-
peram locabat: ulceribus medebatur, ap-
poſito Emplaſtro, quod Grifeum vocât,
e lapide Calaminari, lithargyro, ceruſa,
Tuthia, Terebinthina, cera alba, ſævo
cervino, thure, maſtiche, myrrha, & cam-
phora confecta: in orbem frigidis ad fer-
vorem extinguendum circumjectis. Sca-
biei demum hieroglyphicum illud my-
ſterium quod *Topffwaſſer* (Lac virgineũ
aut ſimile quid iudico) vocant, eique vim
exiccandi & eſcharas demoliendi effica-
ciſſimam tribuunt, ille vit: nihil penſi fa-
ciens, de humorum corruptela intrinſe-

C

cus coercenda, ideó frustratus eventu, aliis in locū accitis, repudiatus est. Cur sitatum jam sollicité: novus cū esset morbus, novas postulabant antidotos: cū nihil usitatum & consuetum, exotica & peregrina remedia, minimeque familiaria, sibi profutura autumabant: artifices disquirebant, qui nil nisi splēdidum pollicerentur & fumos vendirarent.

Pollutorum primus habitus Wenceslaus Rausch institor non parvi nominis, ex adverso Curiae Senatoriae, supra quadraginta natus annos, brevi statura, corpore *εὐσάρκῳ*, facie rubēte, habitu quadrato, calidi humidique temperamenti, sanguine exuperante. Hic balneum ingressus, quinque cucurbitas affigi iussit: unam summa cervice, ad finem capitis & occipitii: duas alias ad lumbos, utrinque, circa renum regionem: tum utrique genui singulas adhibuit. Illæsis cæteris, sola cervicis & sinistri lumbi, in tumorem descivēre. Postridie, statim superior sudaminibus, quas *ὑδατίδες* dicimus, conspersa, tactus indicio & domesticorum relatu fuit. Dolor non levis. Proinde, unde origo mali, illinc medela petita. Facile

cilē initio, nondum actis radicibus, consolidari potuit vulnus. Negociationis gratia Hradisthum profectus, illinc rediit, non integrē liberatus, in balneum redit, decimo quarto póſt die. Adolescentem monet, ut priore illa ſa ſubtus illam loco viciniſſimo, at decliviore, aliam *παροχέυσεως* gratia affigat: Ille veró locum non ita cavit, quin e priore veſtigio, huic ſecundæ aliquid adderet: eamque avulſurus non nihil corticis decerperet, non exiguo dolore creato. Tunc primú aſtu fervoreq; Tartareo exulcerari cœpit, caro cucurbita comprehenſa, quæ ſuis finibus minimé contenta, ſerpigine quadam, guttur, fauces, cervicem, collū denique univerſum in tumorem extulit. Secuta póſt ulcera ſinuofa, cavernoſa, ut ſemidigitum foramini infereres. Matthias accerſitus tonſor, frigida adhibuit, Vnguentum album, Oleum roſaceum. Nihil octiduo auxilii contulit. Temperandi fervoris gratia, ſummopere adjutus ſtillatio liquore Hyoſcyami Peregrini floris lutei (quem Tabaccam ſœminā vocant) ſibi a fratribus contubernii Societatis Jeſu tranſmiſſo, cui linteolis im-

mersis, post ulcera fovebat frigidè, iisque
collum integrum amiciendo, estum pro-
fligabat. Locus cucurbitæ inferioris
circa lumbos quoq; putruit, non tam am-
plo circuitu, minore ambitu contenta pu-
tredo, minus contumax, remediis cessit,
puncturis tamē penitioribus, longè póst,
assiduam creavit molestiã potius, quàm
dolorem alicujus momenti. Consul-
tus Catabaptistarum Æsculapius Iohan-
nes Tenglerus, solis topicis intentus, em-
plastris exiccantibus, consolidavit vulne-
ra. Quibus ad cicatricem perductis, nova
symptomatum incubuit cohors: tergore
toto, quatrduo póst, ingenti dolore per-
cussus est. Certis & quidem exiguis fini-
bus antea quod conclusum fuerat virus,
in totam spinam propagatum, totã dorsì
occupavit amplitudinem. Hinc artus,
brachia, femur petiit, a summa scapula
& coxa, ad imas manus & pedes, nervos
cōpressit, ut gressum & comprehenden-
di potestatem auferret: non levibus do-
loribus comitibus, qui atrociores noctu
erant, diurno tempore quietis usura ali-
qua recreabatur. Molestia hæc octiduū
duravit. Cū in exercitio aliquid spei po-
neret,

neret, aut potius lucri aviditate pelleret,
14. diebus ante Paschales ferias Kioviā ad
mercatum se accinxit. Illic exacerbata
omnia, nulla pedibus requies, dolor mi-
nimé fixus, vagus, modó genua, mox su-
ras, demum plantam pedis, tarsum infe-
stans, nunc hoc membrum deserens, alió
se convertit, illinc mox recurrit, & sic in-
defatigabiliter ægrū divexavit. Divum
hominum que auxilia implorantur. La-
terculo excocto novo, candenti, vinum
affudit, pedes vapore fovit: cū incaluis-
sent vehementer, oleo Juniperino inun-
xit, ut universum crus rubore summo p-
funderetur: (ϕοινίκης vel Sinapis mos dice-
res) sæpius iteravit. Irritum hoc: ita
quindecim dies huiusmodi doloribus cō-
flictatus Hunnobrodā attigit. Illic quo-
rundam medicastrosum consilio, corol-
las sive spiras, quibus bulbi alliorum con-
nectuntur (caudam inquam quæ supra
caput seu nucleum cū capillamentis terra
eminet) ut suspensi laquearibus exiccen-
tur, aqua decoxit, vaporem udum pedi-
bus excepit: tum etiam totū corpus pro-
luit. Aquis cū mergebatur, dolor mi-
tigatus est, se vior, labro postquam exiliit,

longé recurrit. Hinc Hlukium, ubi Catharistæ tarso & supra malleolos, ad suræ latera utrinq; ad genua cucurbitas cum multa flamma adhibuerunt. Deinde unguinibus suis delibutum reddiderunt. Frustra tētata omnia, tres horas visus doloris expers, postea pristina recrduēre accidentia. Wesseliis raphani radices, pilatulas, saleque copioso resperfas, crurum tenus calidē circumligari iussit. Herbam *Gichtkraut* (ex ægri narratione bryoniam autumo) axungia suilla veteri contudit, & circumjecit. Nihil contulit. Domum reversus, carnificis operam experiri placuit, a quo medulla cruris equi & humani perunctus, nihilo perniciosior ad cursum factus, exiguum percepit emolumenti. Tenglerus cūm fotibus varia herbarum farragine confarcinatis καὶ παντλήμασι nihil proficeret, ad Vesicatoria conversus, cantharides utrique pedi apposuit, medio loco inter genua & malleolos, ad tibiæ latera utrinq;, & quatuor locis cutem exulceravit: quam licet serosi humoris copiosa excretio sit subsecuta, parum tamen abfuit, quin phlegmone oboriretur, cujus præter intolerabilem dolo-

dolorem, summus rubor index erat, qui tamen quinta die remittens, ulcera quoque clausit, rubedine in pullū colorem, adhuc atris vestigiis superstitem, commutata. Ita solenni huic remedio, adhibentis inscitia & importuno usu, etiam fides abrogata est. Proinde, ut in re dubia & ancipiti animus nullo veritatis fulguris præsidio, incertis fluctuat erroribus, facilique opinionis vento huc illuc impellitur, ita Tenglerus *κράμβη* priorē recolta, ad *πελάματα* reversus, nova *ἐγκαθίσματα* variis radicibus & herbis congestis, instituit, Hippocratici oraculi immemor: Nō esse rationali Medico, priorē indicatione perseverante, contrariam curationem instituēdam, etiam si voti compos factus non fuerit. Ignarus etiam canonis, quo jubemur localibus remediis nisi antecesserint universales evacuationes, parum fidei adhibere. Ea propter pessimē hæc cesserunt: quia fortē astringentibus & repellentibus constabant. Nam ad superiora raptum perentes materiæ repulsæ, cor coarctare, suffocationis periculum, etiam syncope jam pro foribus existente, minari incipiebant. Explosum & hoc

remedium, cui suffectum balneum ex
gleba, seu glomere nidi formicarū, aqua
decocta, & filici candenti affusa, soloque
vapore prius excepto, postea pede im-
merso, & formicis ustulatis vel elixis cir-
cumligatis. Bibit decoctum radicis Pim-
pinellæ saxifragæ e rubro vino per ali-
quot dies. Attamen omnia in pejus ruê-
re. Postliminio consilium & auxilium pe-
titurus me cōvenit. Et quia multos prius
questos, plurima frustra tentata medica-
mina hinc inde audiveram, de contagio
& mali cōtumacia cogitare cœpi: & quia
circa cutem malum versabatur, viciniissi-
ma, congrua & competenti via educen-
das materias ratus, exhibito ἐκκρωπικῶ ster-
corario medicamento Mithridatum de-
di, exploraturus ut se ad sudorifera esset
habiturus. Perægrè sudori vacabat, ta-
men lætus successu & hilaris, perrexit: tū
Mithridato permixtum succum Scordii,
Veronicæ, Scabiosæ, cum decocto Scor-
dii dilutum bibit. Biduum jusseram, octi-
duum continuavit. Sudavit quidem mo-
dicum, debilitatis simulato prætextu, ne-
que supra tres horas unquam lecto se cō-
tinuit. Perbellè habuit: inter sudandū,
pruri-

pruritus ingens pedes exercuit, falsi humoris exeuntis argumentum. Convaluisse sibi visus, itineri se cōmisit, fora, nundinas & mercatus frequentavit, aliquot hebdomadas incolumis, hinc inde vagatus, vixit. Donec nihil tale opinantē, capitis dolor gravis, & obtusus, sensus hebetes, anxietas, animus languens, sui ipsius odium vel tædium, corripere: Caput, pectus, facies, pustulis effloruere minutulis, rubris maculis, & ἐξαιρήματα corpus univēsum conspersum, stigmata, & pulicum morsus referebant. Occupatus tum fui sesquimensē arce quadam, curatione Baronis primarii. Id temporis Æsculapius ille accurrens, reliquias errorum per adolescētiam commissorum redivivas accusans, pœnas modō luere oportere vociferatus, πάλιν Antidotum Turbith illud Minerale ab ipsis toties decantatum, nulla præmissa humorum præparatione aut sanguinis detractiōne, exhibuit: in eo quoque vitio non caruit, quòd eadem dosi, cuicunque sexui & ætati porrexerit, tam viris quàm fœminis, & virginibus tenellis, nulla victus ratione præscripta, habenas omnes diætæ la-

xavit. Vel quia noverat, faucibus & lingua in tantum tumorem elevatis, buccis inflatis & pituita turgescantibus, non facile quævis obvia ingeri posse: vel quia ipsorum axiomati congruit, nō diætā, sed *vi sui remedii* morbos profligari. Quod de morbo Indico illorum antesignanus profiteri palām (vinum optimum, cibos in primis conditos & bene salitos offerendo) veritus non est. Præcipitato eo pulvere, (verē Turbante, cū nullam universi corporis venulam intactam egri iudicio præterierit) in pillularum formam redactō, quadrante horæ ante cœnam quinque ciceris minoris magnitudine exhibuit, quæ paullō post tantum vomitum concitarunt, ut ad noctis medium continuis vomitionibus penē fuerit enectus. Materias alimentarias, post pituitosas demum sanguinis plurimum evomit. Postridie hora sexta matutina, una minus deglutivit: vomitus repetiti, licet & per alvum subducerentur materiæ similes. Antequam cubitum se conferret totidem: semper vomuit. Ventriculum denique tanta nausea invasit, ut quotiescunque medicus pillulas ostenderet, solo earum
con-

conspectu ad vomitum irritaretur. Neque jam opus erat exhibitione, cum solo intuitu voti compos fieret. Quapropter triduo sequenti, una duntaxat contentus fuit quotidie. Continuae autem fuere vomitiones & alvi liquamenta. Quinq; diebus sequentibus, atram potionem, mane & hora somni, bis die proposuit. Toto curationis tempore, quae ad duas prorogata est dierum hebdomades, semel tantum sudavit, neque vaporario calido se continere iussus est. Incendio magno correptus, fauces, lingua turgentia, dolorem vehementem palati, & gingivarum exco-riationem invexerunt, ita ut praemole linguae os claudere non posset: salivatio multa, cibi deglutitio penitus sublata. Otidium totum cibo caruit. Continuis oris collutionibus usus: nona, cibi nonnihil coepit assumere: tum, ut refert, & nephritides moleste fuerunt: Pondus ingens circa renum regionem sensit: Excreta per alvum acria, mordacia, ac si ferro intestinum discinderetur: murmura & rugitus in intestinis: dolor oberrans toto abdomine. Cum exoneratum alvum secessisset, uno impetu, quid lapidis instar (hydrargyrum

conglomeratum fuisse non dubito) ponderosum prolapsum est. Neque tantum fuit illis cerebri, ut fecibus perscrutatis de materia egesta inquirerent. Excusso tanto onere, morbo sublevatus, & unico quidem momento, deinceps ad consuetam rediit. Reliquias tamen adhuc, manibus & pedibus algore perfrigeratis, pristinorum dolorum, & nervorum excitationem, quasi corrugationem & distensionem animadvertere sese refert. & hæc quidem ad 15. Julii diem.

Adami Bernaveri Sepiasarii solertissimi conjunx Anna, calido & sicco temperamento, excarnis, raro corporis habitu, fusco colore, trigesimum sextum annum egressa, octiduo ante Lupercalia, seu dies Baccho dicatos, balneum adiit, septem cucurbitas adhiberi fecit, quæ ὠμὸν πλάττω utramque, cervicem, dorsum & genua occupaverunt. Solus dextræ scapulæ locus exulceratus. Pruritus levis, tædium, molestia potius quam dolorem totos viginti dies pertulit. Pustula medio vestigio eminebat, pisi aut orobi magnitudine: denuo in balneas concessit: totidem affixit: subtus hanc vicinissimol-

mo loco aliam subjecit. Serpere malum
dilatarique cœpit, ut palmum latitudo ex-
æquaret: color ruber, saturus: continuæ
ulceris penitiore recessu vellicationes: ar-
dor ingens. Mariti usa consilio bis Tria-
pharmacon emplastrum applicavit: nul-
lisque aliis præfidiis adhibitis, coaluit ci-
catrice obductum ulcus. Parascevesque
solennem Resurrectionis Domini festi-
vitatem præcedit, die, manuum torporē,
veluti stuporem, gravitatem & ἀναμνησίαν
initio animadvertit. Musculus δελπεινός
cum ἀκρωμίων occupatus, manuum eleva-
tioni obstabat: pendulas vidi jam manus,
ac si paralyti correptæ ac prorsus resolu-
tæ fuissent. Emporium Linzianum, ut
varia supellectili aromataria tabernam
locupletaret, Medicamentarius adierat:
illinc reversus palam vidit, ad manus radi-
cem, carpi inquam concava, nervos tre-
mere & contrahi, ac si per spasmus ma-
nus extrema in digitos desinens, curvata
introrsum, versus cubiti & radii ossium
compagem pertraheretur. Dolores ur-
gebant vehementissimi: somni veró prorsus
exularant. Maculæ rubræ satis amplæ,
in facie quinque: in manu dextra a carpo

ad cubitum, tres vel quatuor minores appa-
paruerunt. Scabies nulla.

Tyrocinia artis cum Dresdæ Misnio-
rū myropola ageret, meminerat celebres
Medicos, operosam quavis Panacea cer-
tiorē, cutaneis affectib. profligādis insti-
tuisse Antidotū, quā ut conjugib. beneme-
renti opitularetur, confecit. Materia &
compositionis ratio hæc est. ℥ ligni In-
dici ℥b. v. Radicis Lapathi acuti ℥ iij. My-
robal. Chebul. Citrin. Indor. Emblicor.
ana ℥ ij. Gran. Juniperi, Rad. Enulæ cam-
panæ ana ℥ v. Hermodactyli, baccarum
Lauri ana ℥ xv. Santalarum omnium ana
℥ j. Aristolochiæ longæ ℥ ij. Foliorum Se-
næ mundorum ℥ xv. Infundatur primò
lignum per se in ℥b. v. aquæ ferventis per
12. horas, postea coquantur blando igne,
addendo cætera, recto artis ordine, ad
medietatem. Stent donec refrixerint,
colaturæ fervidæ & forti expressioni ite-
rum injice Rhabarb. electi, Turbith opti-
mi añ. ℥ ij. ḡ. v. Ell. Diacatholiconis, Cōf.
Hamech ana ℥ ij. Dissol. in aquis Scabio-
sæ, Lupuli, Fumarię ana ℥ iij. Syrup. fuma-
riæ ℥ xv. de epithymo ℥ v. Bulliant levi-
ter semel atq; iterum aromatizando cum
sp. aro-

ſp. aromatici roſati ꝓ j. Cinamomi optimi ꝓ ij. Miſce, fiat lege artis potio. A ſecundo hauſtu quaſi exonerata cœpit agilius brachia movere: tertio die elicuit ſudorem, ſuccis Scordii, cardui, Mithridato permixtis. Probé ſucceſſit. Bis reiteravit Antidotum, ſexta ſudorificum: extra omnem teli jactum poſita integreꝓ convaluiſſe videbatur. Dum calidis ſeſe foveret, ſudori proliciendo occuparetur, perbellé ſe habuit. At quamprimum in publicum prodiit, tempeſtate uda, Auſtris flantibus, glacie nivibuſꝓ diffugiētibuſ, verna aeris inæqualitate, humoribus nimirum commotis, priſtina rediviva fuere ſymptomata, & quidem nocturno tempore, volutationes in ſtratis continuæ, locus quietis nuſquam repertus. Guajaci lignum hîc infame habetur: & lue polluti Venerea, convictum eorum quovis refugiente, publica notantur infamia: (haud aliter ac lepra infecti in populo Hebræo extorres reddebantur) ita ubicunque ligni mentio fit, actum feré de ægri exiſtimatione, & bona fama videtur. In honeſta, & integerimæ famæ matrona huc confugere,

prima fronte, religio fuit: ceu sacram anchoram, ad extremum, cæteris frustratentatis, in abdito asservendam censui. Horrida immaniq; scabie laborantibus aliis vicinas suaseram thermas, non quod profuturas judicarem: sed dubius animi, hac ægrorum insolentia, & in viâu, contumaci negligentia, ne regulis quas in Lingni usu præscribimus & legibus se includi paterentur, (compedibus se vinciri vel pedicis constringi murmurant) consultius visum fuit, ut suo malo sapere discerent, & certum præsidii genus postea spe frustrati avidius expeterent. Hæc etiam languens unâ cum sorore thermas adire decreverat, ego verò ad curas medicas avocatus discessi. Paucis diebus interjectis Pharmacopœus ad me per literas: Consulisti, inquit, conjugii ut thermis lavaretur: at ipsa exploratum habet, ut quotiescunque labro aquæ dulcis se immerferit, dum aquis tepentibus deliciatur, dolorum sit expers: ubi pedem extulerit, ilico recurrere & infestiores fieri dolores. Suasum ipsi, ut Guajaci biberet decoctum: quocirca meo se commissurum hoc arbitrio: se petere, ut diligenter
expensis

expensis & rationum mearum momentis examinatis, eam quamprimū certior reddam, quid hac in parte fieri velim. Occasionem etiam de aliis bene merendi oblatam repudiare nolui: unicam hanc viam sanitatis recuperandę superstitem dixi: in vulgi deliri iudiciorum perplexitate, famę ipsius consultum me voluisse, veritus, ne lue nefanda correpta publicę diffamaretur. Rumore plebis spreto, & radicib. polypodii, cicorę, herbis, fumis terrę, cardui, turionibus lupulorum, asparagis recentibus, & id genus aliis, cum passulis & senę foliis sero caprino coctis aliquot dies apozema propinatum. Communem dextri brachii secuit venam, pillulis purgata, decem & octo dies Ligni sancti bibit decoctum, canonibus consuetis observatis. Persuaderi ut prorogaret potionem, minimę potuit, vel quia desudem domi latitare non libuit, perpetuó debilitate culpata: vel quia nimium sibi blandiretur & viribus plus iusto fideret, eó quód primo protinus biduo, acupingere, texere, aliaque muliebria exercitia domi tractare inciperet: brachia sursum attolleret, manuum-

D

que officio alacriter, doloris experts, toto eo tempore perfunderetur. Aedibus inclusam fenestrarum prospectu arceri, summa erat molestiarum portio. In publicum egressa, aere denso, pluvio, nebuloso, pro anni tempore, tunc rerum potente, & accuratiore victus ratione posthabita, (cum neque vini usu penitus abstineret) decimaquarta die recurrerunt eadem symptomata longè quàm antè vehemētiora. Turpetum illud execrandum experiri, & præcipiti discrimine vitam negociari, animamq; redimere placuit. Tenglerus quindecim pillulas exhibuit devorandas hoc ordine: quinas ante cœnam, sequenti die manè & vesperi, totidem. A prima functione vomuit multum, & quinquies alvo dejecit: a secunda iterum, & vomuit, & ter dejecit: post tertiam utraq; multiplicata virium ingentem edidere stragē. Sputum altera statim die apparuit, ilico lingua in tumorem conspicuum valde elevata, rictu diducto, fauces implevit: palati cœlum sive fornicata capacitas, non sufficiebat (horrendum visu) lingue intra sua septa continendæ quin extra labia prominere: occludere os aut labra con-

conjugere nullo modo potuit. Tertia plané obmutuit, ut a nemine loquens intelligeretur, soloque nutu, animi sensa proferret: imó spiritus viis compressis, strangulationis periculum in procinctu erat, oborta etiam magna raucedine, gutture & faucibus nimirum excoctis. Gargarismata illis familiaria præscripta ex aqua ardente, quam vinum quoque sublimatum dicunt, cui Zuccarum Candum & mellis nonnihil immiscent, cum interea Æsculapius ille (si Dis placet) oblatis pillulis, per emissarios rem gereret, neque ad ægros postea unquam revertetur. Indigné hoc tulit myropola medicis rationalibus familiarissimé conversatus, e rosis, plantagine, mali corio, & similibus, aqua prunellæ incoctis, syrupoque Myrtino & de rosis siccis admistis, collutionem oris instituit. A cuius usu lingua confestim subsidere cœpit, & intra ἑξῆς τῶν ὀδόντων suos inquam carceres sese recepit, perpetua tamen salivatione ad decimumquartum, imó etiam vigesimum diem excruciatâ, quo die, illi egrediendi facta potestate, ul-

tró unam adhuc adjecit hebdomadem.
Intra quod tempus omnia pessum ive-
re symptomata, & turpis macula quæ
dorsum fœdaverat, licet contumacissi-
ma, tota est abolita. Num reliquæ medi-
camenti, renes & intestina turbantis, aut
diætæ vitium, certè tribus póst septima-
nis crudelissimos dolores colicos & ne-
phriticos illi invexerunt, ut levidensia
priora quæ tulerat, si hisce compararen-
tur doloribus, asserere non vereretur.
Domicúm essem, his malis subventum
pauculis diebus. Nunc incolumis vivit
crebro usu extracti angelicæ, nisi quód
corp⁹ probè munitū esse oporteat, ut ne
flatū quidē frigidiorē admittat, cuj⁹ me-
rito etiam podagricis tentata fuit tormē-
tis. Hujus soror, ætate major, Scheit-
termanni primarii Pandochæi uxor, car-
nosa, frigidioris & humidi temperamen-
ti, una & eadem hora balneū petiit: tot-
idem cucurbitas affixit. E septem, sola,
quæ sub dextra scapula erat, vulnerata in
ulcus degeneravit. Ardor vehemens.
Caro exesa, foveam, cui articulum pri-
mum indicis digiti inseruisses (nudam
carne costam dixisses) detexit, latitudo

ut

ut quadrans taleri numismatis. Emplastra balneator diu adhibuit. At movendo cum parum promoveret, quidam nostras illius affinis emplastrum nigrum, arcanum nemini revelandum (e cerussa, mastiche, in oleo lini ad nigredinē ustulatis fortē conflatum) sæpius reiteravit: Frustra. Vlcus obduxit cortex durus, scabrie aridus, crassitie digiti cutem supereminens, qui pruritu intolerabili excitato, cum unguibus discerptus esset, subtus novo germine repullulavit iterū. Ab aromatario emplastrum de Meliloto illitum, quod escharam quidem sustulit, ea tamē paucis interjectis diebus, denuo & fœdior succrevit. Hic veró minimē prætereundum, dolores etiam antē ulcus occlusum hanc infestasse, quod plerisque non nisi vulnere consolidato evenit. Vidi eam a poplite, per suram universam, (ventrem carnis tibiæ objectum) calcaneum, talos, tibiæ apicem, solo periosteo membrana quasi tectum, dolores crudelissimos perpeti, ut ejulatus & clamores ferinos, si stragulis paulló pedem promeretur, ederet. Adeó tamen fuit perversa & præfractæ contumaciæ, ut nullum pror-

sus ore admitteret remedium: ægrē ipsi persuasi, ut serum caprinum cum Zucaro, vulgaris potus loco, ad biduum biberet. Præter dolores, qui jam corpus universum obsederant, totum præ pustulis corpus tuber erat, ut nec stare, sedere, neque ambulare jam posset: linthea pure foetido ulceribus manantibus imbuta, corpori mordicus adhærescentia, si avellerentur, cortices quidem unâ detrahebant, sed vulnera & dolores multiplicabant. Pertinacem illius animum tam horrida mala neque flectere neque frangere potuerunt, Turpetum dimidiati, ob infirmitatem (ut agyræ referunt) dosi accepit: quo circa nihil emolumenti consequuta, adhuc *ἐλκεσι βλυών*, cadaveri quàm homini similior jacet, suæque inobedientiæ meritas exolvit pœnas, cūm unctionibus & suffumigationibus Mercuris mallet rem pertentare, quàm intra corpus ullum admittere medicamentum.

Paullus Bursarius ex eadem causa sinuosis & cavernosis ulceribus dextram tibiam foedatam habuit, circa malleolos potissimum: eapropter curam temerariam

rariam aggressus est. Pillulis devoratis
causo præhensus, fenestris præ immodi-
co æstu undique referari jussis, caniculæ
ardoribus urgentibus, sanguinis copio-
sa per alvum excretionem, quam *σπόμβοι* &
atræ feces consecutæ, fame quoque cum
ob linguæ tumorem nihil alimenti pos-
set ingerere, eneatus, intra paucos dies
ejulatu & clamoribus toti viciniae mole-
stissimus, miseré expiravit. Inopinatus
iste casus multum artificis detraxit auto-
ritati, & solenni pharmaco fidem dero-
gavit, occasionemque certior remedia
inquirendi ægris præbuit. Thomas
Brenner institor uterque cum conjugē
correpti. Illa mercedem pacta, cum de-
nas tribus ex ordine diebus assumisset
pillulas, intendi & intumescere crura in
vastam sensit molem. Vomitus, p mo-
re exagitata, vase testaceo excepit reje-
ctamenta, cujus parietibus circumquaq;
vidit hydrargyrū crudum adhæsisse: ilico
terrore percussa, & quæ pejus se habere ani-
madverteret, nuntiū remisit impostori,
quē cernebat pro foribus, ne spiritū olidū
admitteret, pugno nares & labia compri-
mentē, eminus inquirere, quinā valeret:

neque precibus adduci posse, ut cominus aut tãgeret, aut eam alloqueretur. Hunnobreda ad equorum mercatum huc se contulerunt Judæi duo. Eodem balneo inquinati, alter feriis Pentecostes extinctus: alter elephantia obductus miseram traducit vitam. Dietrici Molii filia virgo, forma egregia, puella lectissima, jam nubilis, miserandum in modum deformata, restituta quidem est Turpeto, veruntamen pustulæ nuper frontem & palpebras denuo occuparunt: quibus illi adhibent liquorem luteum, mordacitatis experte, (gummi fortassis Guajaci, quod illi a liquore & alkali separant) qui eas abolere quidem visus est, non tamen securos in universum reliquit ægros, ita ut verè se & ex toto immunes asseverare auderent: imò latet semper aliquid virulentie, quod aliàs repullulat: & recidivam perpetuò minatur. Fortè avaricia medicastrosum, ut semper esset quod deglubarent: vel malignitate, a deleterio medicamento nondum perdomita, novaq; semper moliente accidentia. Ut curiosis ingeniis rara, cara, quotidianaverò vilescere observamus: ita repudiato Turbante phar-

pharmaco, Evancicium duobus hinc dif-
fitum miliaribus ad balneatorem concur-
ritur. Eó primus Cerdo, póst Stendlia-
anus, opulentissimi Senatoris, quadragin-
ta quinque annos conjux, demum etiam
Pandochæi uxor, profecti. Hic fabæ ma-
gnitudine electuario purgante exhibito,
deinceps perpetuo Laconico eos inclu-
sit, fumū e Cinnabari subdidit, ita tamen
ne suprà quàm vellet aut ferre posset, ur-
geret quenquam. De quo amicus ad me.
Noster Chirurgus, ditissimi illius vestra-
tis uxorem non ungit sed lavat, & dedit
illi assumendum suave, ut ipsa narrat, ec-
legma, quod ei omnes dentes labefacta-
vit. (ὑπερβολικῶς Cerdo inquitabat se ordi-
ne in mensam potuisse dentes loculamē-
tis exemptos collocare) Hydrargyricum
ergo: & pro pillulis electuarius, quod
haud scio an novum sit. Hæc ille. In eo
tamen probandus est, quód diætæ leges
non omnes antiquaverit, sed hypocau-
sto inclusis aeri omni interdixerit, sudo-
res extorserit, vino tamen concessio, cæ-
tera solertem se præbuit. Egenorum for-
tis miseratus & ipse, ne ἀσύνβολος & ociosus
cladis miserandæ spectator essem, vulgo

paratu facilia & sine impendio remedia,
domesticis & indigenis constantia plan-
tis, collegi: diætā modoq; utendi præscri-
ptis, paucarum horularum laborem, Se-
natui obtuli. Præfatus hic basin curatio-
nis in sudoribus promovendis constitu-
tam: discriminis plenam per Mercurium
curā dī rationem: Pulverem senæ præpa-
ratæ D. Montagnanæ præmisi: legibus
phlebotomię custoditis axillarem dextri
brachii, bubonib. absentibus, secari jussi.
Institui potionem ex decoctis radicibus,
enulæ, polypodii, angelicæ, lapathi ma-
ximi, diptami, Imperatoriæ: Herbis veró
cardui benedicti, chamæpitidis, scordii,
fumarix, cicerbitæ, scabiosæ, veronicæ,
lupuli salictarii, phyllitidis, scolopendrię
veræ: Item floribus borraginis, lavendu-
læ, sambuci, additis Sena, corticibus ve-
ratri, cum ligno sancto, ejusque cortice.
Aliquot post assumptum decoctū diebus
e massa pillularum cochiarum cum ve-
ratro præparatarum aggregativarū, & de
hermodactylis catapotia imperavi. Post-
ea e succis scordii, cardui, fumarix, me-
lissæ Turcicæ, veronicæ, scabiosæ exi-
guo Mithridato permistis, sudorificū ve-
hemen-

hementius institui, ut decoctionis vim su-
dorificam ignaviorem fortè, exstimula-
ret: Pustulis & scabiei initio aqua stillati-
tia e resina larignea oleo Tartari cōdita,
etiam decoctū Guajacinum erant institu-
ta: quorū illitioni si non cessissent, subin-
de acriora & pollentiora, nō præterito et-
jam oleo atramenti lutorii aqua fragariæ
vel scabiosæ diluto, succedere poterant.
Numerus dierum pro affectus contuma-
cia & egri tolerātia definitus erat, certoq;
ordine cūcta ritè disposita, ut medicamē-
ta ex officina ætati & sexui cuiusq; (ut se-
plasię ministri a me edocti fuerāt) accō-
moda, levi præcio mercari etiā inopibus
licuisset. In morbi ne decrementū culpā
cōferas, aut q; operā meā minus gratā ha-
berent, dubiū. Nullus me hercule ad hoc
præsidii gēnus cōfugit præter alutariū &
plostrariū quendā: cōsilia nisi manus ope-
ratio accederet supervacanea & frustra-
nea dicētū. Quinimō tā alutarius quā
redarius vehicularius fabricator, duri a-
grestesq; homines, sibi de perfecta cura-
tione prius cautum voluerunt, ne artis
manuariæ operis neglectis sanitati recu-
perandæ dum vacant, dubio eventu du-
plici multati dispendio inanes quoque

facerent sumtus. Equidem alutarii genu dextrum, locus inquam cucurbitæ ulceribus crustaceis, ita callo contracto obduruerat, ut æruginis, chalcæthi, neq; calcis vivæ applicatione ^{ὑπερσάρκωσις} resecari vel abradi potuerit, quæ is summo quidē cruciatu conciliato, animo tamen feroci (cujus nam usus consilio incertum) sæpe numero asperferat. Hac ratione, de meo benemerendi studio aut medicaminum successu haudquaquam mihi gloriari licuit.

Exempla hæc omnium languentium historiam complectentur. Operosum enim neque operæ precium foret, sigillatim omnes, aut nominibus duntaxat immutatis, accidentibus similibus, eadem singulis ægris recensere, cū communia omnibus fuerint, neque quid discrepans hætenus observatum fuerit. Quocirca consequens est, ut de origine & causis aliquid in medium proferamus, quæ si non cuivis ^{ἀποδεικνύει} videbuntur, cogitet in arduis rebus & voluisse abunde magnum olim habitum: munereque nostro nos perfunctos arbitrabitur, si non rationi dissona, aut vero minime

nimé congrua protulerimus, loco relicto argutioribus, qui acumine ingenii penitissima pervasere naturæ penetralia, & non tantum verisimilia, verum etiam causarum cum effectibus, vera conjunctione, mutuam colligantiam, quasi ob oculos ponere, omnemque ex animo dubitationem eximere poterunt. Ordo hic erit. Dissertatio habebitur: an novus sit morbus: si talis, in quam classem redigendus: causas putatas non esse effectrices, nec primarias, neque proximas: non partes balnei integrales sive constituentes: non silices ignitos: non vaporem fervidum illinc elevatum: non *σινύαι ἀερωμέναι*, cucurbitam inquam attractricem: non spiculum cuti perfodiendæ destinatum: non unguen quo inflicta vulnera oblinuntur, non denique balneo præfectum: sed inquinamentum aliunde asportatum, levibus exordiis incrementa cepisse, & contagioni prorogandæ ansam præbuisse: ubi quædam de ortu & causis tam sublimibus quam proximis adjicientur. Extitisse novos, ævo priore incognitos morbos, præter veterum testimonia exemplis illustria, etiam recentiores ostendunt:

In certa veró terrarum parte, repenté gigni vitia insueta, illinc undique disseminari, tam certum quàm quod certissimū est. Stomacacen, & Sceletyrben Germanici Cæsaris ad Rhenum castris apparuisse, vitium e fonte haustum, antidotum illi a Frisus herbam Britannicam ostensam: veluti Mentagram Tiberii Claudii principatu in Italiam irrepsisse, Perusino Equite ex Asia contagionem importante: Carbonem, Elephātia sin, Gemursam, certis temporibus apparuisse, jam oblitteratas esse, auctor est Plinius. Colicam affectionē in Italia cœpisse, & per Imperii Romani regiones pestiferę luis modo grassatam, in comitialē & paraly sin transiisse (quibus affectibus medicus Italus infideli & temeraria victus ratione instituta, præter opinionem remedium attulit) Paullus ab Ægina, secūdus a Galeno, medicorum antistes, testatum facit. Suffragium illi salva veritate ferre possum, qui octavum vel nonū agens annum in Pannodacia nostra Gregorium Wizaknaii, primum ingenii formatorem, virum in primis eruditum, colico infestatum & extinctum cruciatu, meminerim. No-

vus

vustum morbus, per urbē de novo morbo, nomine infausto, peregrino, nusquā audito, murmur ingēs, haud aliter ac Romæ, cūm Tiberius edicto promulgato, valetudinem incognito Coli nomine excusaret. Vidimus eum artus resolutum, calcibus petere, morfu ad se accersitos comprehendere solitū pueros, cūm aliās Orbilio magis plagosus, manuum auxilio (morbo etiam impatientior redditus) se destitutum, animo angeretur. Ex eo tempore, adeo invaluit, & familiaris factus est morbus, ut populares fide digni admeretulerint, etiam recēs in lucem editos infantes, ex utero hanc luem secum attulisse, & paucis interjectis diebus, artuum beneficio destitutos, omni motu privatos fuisse. Quod minimē miror, cūm Gulielmum de Lipa Perchtoldi Marsalci filium sexennem e colico paralyticum viderimus: unde beneficio naturæ & ætatis emerſit.

Progressu ex illis regionibus facto, deinceps vicinam Pannoniam, Austriam, Moraviam, cum aliqua parte Germaniæ, ita oppressit malum, ut ingenuē affirmare possim, apud nos, e denario ægrorum

numero vix duos reperiri qui colicis non
conflictentur morbis, eorundemq; pau-
cissimi paralyfin evadant: & contumaci
huic malo profligando, colluctandū no-
bis plus esse, quā omnibus reliquis, quę
hominem infestare possunt, ægritudini-
bus. Ita ante annos plus minus triginta,
peregrinus habitus, modó endimus fa-
ctus est. In Italia certé jam dudū evanuit:
(ut verum sit, morbos oriri, durare, & de-
finere certis locis) cui rei fidem facit vel
hoc, quod neque per Gallias, vel Italiam,
præceptores nostros, publicis lectioni-
bus, colicæ in paralyfin transeuntis men-
tionem habuisse, neque lucubrationes
ipsorum literarum monumentis cōpre-
hensas, illius meminisse sciamus. Imó si
qui illinc, ut solent, medicinæ ad nos fa-
ciendæ gratia commearint, & ex impro-
viso illis occurrerit curandus hic mor-
bus, viri, aliás solidioris scientiæ & erudi-
tionis, mirum quā turpiter, antequam
ei consuescant, suam prodant inscitiam.
Solutus veterum, præter Paullum, Prin-
ceps Aboali, capite de Paralyfi, docet,
ceu per crisim, e colo, materias in nervos
proturbari. Nisi hoc censu collocemus
Hipp.

Hipp.6. Epid. Com.4. Textu 3. ubi fluentium in articulos humorum in column factam transmutationem asserit, eoque Arthriticum fuisse ἡσυχώτερον, ac si daretur e colo in articulos, & vice versa, materiæ transitus. Neotericorum Erastus exquisitè colicam, quo pacto in paralyfin degeneret, annotavit, cui posteritas vel eo nomine plurimum debebit.

Sudor Anglicus, violentissimo impetu ortus, κατακλυσις instar, multas obruit regiones, rapidissimo cursu suam absolvens periodum, nomine solùm nobis notus, dudum disparuit. Luem Indicam novum fuisse morbum, indignatione & ira Dei, merita supplicia, pœnasque nostris peccatis irrogantis, ex America in nostrum orbem translatus, qui de eo volumina congesserunt, satis superque demonstrant. Dantur itaque novi morbi, & ex pravitate humani victus, senescente seculo, omnibus inextricabili fato in pejus ruentibus, verisimile est, novos nascituros, futuris seculis, plurimos, nobis ignotos morbos. Quod etiam Procluse porticu Stoicorum asserere nō veretur, quemadmodum patrum, avorum,

E

nostra quoque memoria, plurimas artes
 de novo emeruisse, inque lucem produsse
 meminimus, quarum scientia olim mor-
 tales latuit: plures superesse, nō vana con-
 jectura, ex præteritis futura si metiemur,
 augurare licebit, quæ aliquando in poste-
 ritatis cognitionem ventura sunt: Fati sic
 volvitur ordo. Hic quem describendum
 cœpimus, licet prima facie obiter ceu per-
 transennam examinatis symptomatis no-
 vus non videatur: veruntamen impuni-
 tate a paullō antē recitatis autorib. sum-
 ta, cur novum dicere non liceat? Equi-
 dem hīc insuetus, nemini antē visus, in-
 cognitus, origine, impetu, motus celeri-
 tate, periodi sive decursus exigua dura-
 tione, & quōd nullo ætatis & sexus discri-
 mine habito, quemvis impetiverit, mul-
 tis etiam peritioribus rerum naturæ per-
 scrutatoribus admirationem peperit.
 Quapropter vel novus, vel insolens his
 potissimum regionibus, ubi nihil simile
 conspectum vel observatum fuit, dici ju-
 re potuit. Quid obstat & Epidemium
 nuncupari, cū πολλοῖς ἐν ἐνὶ γέννηται χρείᾳ, et
 jam si absque pernicie vitæ. At quia ne-
 minem ocysimē exanimavit, pestilen-
 tis sive

tis sive τὸ λοιμὸν (ὅτι τὸ μὴ πολλὰ ἀναιρεῖν) cognomen-
 tum Galenici decreti sentētia Textu secundo Comment. tertii, in 3. Epid.
 Hipp. illi minimē competit. Certē animos ægrorum occupavit suspicio, non
 nisi divinitus irrogatam labem, cūm absque manifesta causa, agmina pollutorū,
 immani scabie, & fœditate, cui mors esset præferenda, novo exemplo intuerentur.
 Ad quam igitur tribum, si novus, referendus? Certā sedem olim, si emer-
 sissent, novis prisci tribuerunt. Menta-gram licheni subjecerunt: Plinii stoma-
 cacen Borealiū, totiusq; orē illius maritimæ ὀπὶ χέλιον malum Schörbuykum in-
 digitāt: Anglicus sudor inter ephemerās letales locum sortitus est. Nostri si totam
 spectes idæam vel formam, accidentia. veró accuratiori subicias calculo, lui In-
 dicæ persimilem, ita ut eundem, aut illi quāmaximē affinem, non injuriā dixe-
 ris. Veruntamen quemadmodum similia non sunt eadem, ita hīc quoq; discrepantiam reperire est. Dolor capitis, sca-
 pularum, tibiæ, tergoris totius ulcera fœda, pustulæ, calli, gummata, utrisq; com-
 munia: At alopecia, seminis proflu-

vium, bubones Venerei, cariosa præputii ulcuscula (quibus solis proditur Indicus) hîc minimè conspecta fuere. Frivolus hoc dixeris, cum ad essentia constitutionem nō necessariò omnia concurrant accidentia, ut neq; ad causam omnia effecta: dissonantiam levem apparere in materia & membro, quod contagionem primariò adeptum est, & hanc non magni momenti. Esto. Quid verò de causis? Indica, etià lues Venerea est dicta, quòd vix ullus, citra congressum Venereum, ea labe visus est aspergi: contactum obscenorum partium videtur necessariò requirere hujus constitutio: ea propter membra quæ pudor occulit, & generationi natura destinavit, primò polluta, toti postea corpori virus impertiuntur. Sunt qui e stragulis & linteorum sordidorum usu, haustum contagium (atro fortè cygnorarius) affirmant, vel ut prætextum suis turpitudinibus afferant, e mentuntur, quos non multum morabimur, cum regulæ de iis quæ *ὅς ὅτι τὸ πολὺ* sic se habent, tradantur. Hîc verò anus effœtas, septuagenarias, virgines pudicas, viros senatorios graves, matronas honestissimas, rustico

sticos terra subigenda improbis durisque laboribus fatigatos, & qui cum aratro & sarculis cōsenuerunt, hac ἀφορμῇ luem cōtraxisse non modó asserere, sed vel suspicari quidem ratio, experientia, pudor, & verecundia prohibent. Adde quód in balneo exordia lues cœpit, loco publico, ubi ejusmodi illecebris (ut Cynicis beluino ritu in propatulo) locus non est: neque quisquam extra balneum reperitur comprehensus. Non conjuges sese mutuó infecerunt, nō qui pietatis causa, vel obsequii debito, ministeria ægris præstabant, contagionem senserunt, ut neq; ex domestico familiarique consortio, virus adhuc aliis impactum fuerit. Verendæ & genitales partes, illic ulcusculis & callis quasi παρορμόις infestatæ: hîc caro cucurbitæ subjacens primū ulcere putruit. Differunt itaq; nonnullis accidentibus & invasionis modo. Quibus non obstantibus, ad Indicum esse referendum vel ἀπόδειξις nos Hippocratica δὴ λείπειν cogit, siquidem iis cessit remediis, quibus in illius profligatione usus est. Serius cognatio illa deprehensa, cū nullus aruspīcū, vatum vel augurum etiam per somnium

ariolari potuisset, tam improvise, & inopinato, malum ignotum, in plebem universam, sæviturum fuisse. Ita clanculum radices egit, & levioribus domari deinceps cum non posset, ad *ἐξάτας δεσπείας* necessario deventum. Adde Archigenis de conferentibus argumentum. Decocto Guajaci adjuti sunt, cujus non pro morbi contumacia, ad longiorem dierum numerum usu prorogato, quid mirum, si non ex toto, & quidem radicitus extirpatus fuerit morbus? Fractæ equidem sunt ejus vires, usque adeo ut remediis succedentibus facilius posthac expugnatus fuerit. Sudores magnum attulere præsidium, qui aut Mithridato, aut succis calidioris temperamenti, expressi fuere. Etiam qui præcipitatum turbans exhibuerunt, melius ægrorum suæq; famæ consulissent, si catharticiis præmissis sudoribus eliciendis sedulo vacassent. Laconico eos Evancicensis inclusit, chalybis ferrine laminas candentes, aqua aspergens fovit tantisper, ut cutis spiracula hiarēt, & suffitui Miniato iter patens corpus subeundi redderetur: quo tamē Zabrodovicensem pellionem suffocavit. San
hydran

hydrargyrum unicum luis Indicæ curan-
dæ antidotum multi asserunt. Memini-
mus Rondeletium Præceptorē Barba-
rossæ celebrantem pillulas: imó severé
interminatum, ne in officinis quisquam
parari præciperet, præstare videlicet, ca-
lumniæ vitandę gratia, domi quęvis suos
in usus conficere, ægrisq; distribuere. Et-
jam ante sexdecim annos, Basiliensem
Medicum primarium harū beneficio ac-
quisitum prædicasse audivimus lucrum.
Turpetum Minerale Andernacus, volu-
minibus de veteri & nova medicina, de-
scribit, Ostrutiumq; alio nomine vocari
inquit; modū assumendi tradit, annotatis
quæ malignitatem ejus corrigere valeāt.
Pondus granis tribus, quatuor, ad sum-
mū quinq; definit, cum electuario rosa-
to vel vino generoso, pulvere margarita-
rum, electuarii diamoschu, & diambra,
ex brodio nucis muschata, in pillularum
figuram reduci jubet. Sudorem imperat,
si bis terve assumatur, brevi extirpatam
luem pollicetur. Quercetanus ope-
rosam illius confectionem, exquisitissi-
mé descripsit, ad grana octo, præmis-
sis debitis vacuationibus, ascendit.

Mirari tamen subit, eos, qui tam tutó & impuné, Mercurium suum, tam crudum quàm præcipitatum, assumi posse & sibi & aliis persuadent, cur vomitariam facultatem ipsi non adimunt? Vulcano toties traditum, sæpenumero fixum & refixū, cur per superiora non desinit purgare? Mitene vel benignum hoc medicaminis genus, cū *ἐμπὰ* omnia violentissimo-rū censu habeantur? Veratri omnes præparationes correctivæ eó tendunt, ne per gulam educat materias. Agaricum, ne parietibus ventriculi adhærescens, levitate sua innatans, vomitum cieat, in pastillos redigimus. Tanta ventriculi & actionis illius ratio habetur, cū per *πυλῶν* cibi cocti chylum sensim demittere, non per superius os, sensu exquisito præditum, convulsionis metu, materias exturbare debeat. Suntne omnes apti nati ad vomitum? Promiscuè absq; ullo *διεισμιῶ* omnibus datur turpetum, tam qui capite magno, colic oblongo, pectore angusto, scapulæ prominulis alarū instar, quàm qui differente sunt corporis habitu constituti. E loco, in quo coqui possunt, materias non ducendas, in locum ubi coqui non possunt,

possunt, regula est Galeni in Methodo. Ergo non a circumferentia ad centrum. Materiis quę venis sunt prolapsę, reditus est interclusus: A minus principibus ad digniora, fœdorum ulcerum & pustularum materiem (per *σπαιλισμὸν* inquam) revocamus, siquidem etiam vomitu exinanita restitutionē poscant corporis membra. Estne rationalis Medici, ad fauces, laryngem, linguam, epiglottidem, guttur, animę canalem, loca inquam spiritui dicata, angustissima, illuviem pituitę putrescētis proturbare, ubi etiam leves anginę, suffocationi & ocysissima mortis occasionem præbent? Suo veró fœtore spiritibus infectis cordi titubationes & synopes, periculum inquam præceps creare possunt? Causam conjunctam, ipsam videlicet materiam morbum foventem, ex habitu non revocari, neque ad viscera derivari, verum sublato quasi nutrimento, sua demum sponte exarescere, & perfanari, salivam autem colliquata pituita e cerebro, via competenti, defluere inquires. Indicę luis focus & sedes primaria jecur statuitur, cur itaque cerebrum vacuatur, nisi cephalalgiam creantes eli-

ciantur fortē humores? Tantamne vim
pituitæ putrescentis solo cerebro com-
prehendi, quæ tot dierum, ac noctium,
continuo decursu, lacunæ perennis in-
star, ore manat, affirmabimus? Nonne
idem præstiterint, etsi minore copia, at-
qui minore quoq; discrimine, præteritis
vulgaribus, & tutis apophlegmatismis,
hypoglottides e foliis & succo Tabaccæ.
Si tã innocuus est Mercurius, cure præ-
cipitato reviviscit, & vomitu rejectus, ab
Anatomicis veró inter membranas &
ossa crudus deprehensus est, nisi quód o-
mnem naturæ in sese actionem repudiat?
Vnde igitur, quam Medici requirūt me-
dicamentorum a calore nativo deprom-
ta actuatío? Cariem ossium num humori
erodenti, vel hydrargyro, mordacitate
sua exedenti, & perforanti, etiam solidif-
sima ossa, acceptū feremus? Illi minimé,
cúm & sanum corpus acerrimis nonnun-
quam succis redundet, qui tamen nō ca-
riosa, vel teredine quasi exesa reddant os-
sa. Naturam pristinam ignis mangonio
non amisisse, argumento sunt annuli &
numismata aurea, ore detēta, momento
& unico protinus afflatu hydrargyro de-
alba-

albata: quo loci absq; scelere silētio præ-
teriri non possunt bullę lotio innatantes,
hydrargyro obductę, ex historia præce-
ptoris Alexandri Petronii Romani me-
dici gloriosissimi, argentum vivum nimi-
rum & per vesicam emictum testantes.
Medicamentum tū verē dixeris cū na-
turam mutat: ilicet: Omne tamen agens,
agendo repatitur, neque est de medica-
menti essentia, ut natura prostrata, ipsum
intactum, de illa triumphū agat, aut ceu
Proteus varias formas subeat, ac tandem
actione absoluta in seipsam revertatur.
Vlceribus κακηδεσις aspersum, aut adipi
permistum, si illinatur, quod præsentia-
neum sit remedium, etiam vulneribus,
pila et tormento explosa inflictis, extra o-
mnem est controversiam. Idem testatur
& Monardus Hispalensis Medicus, cū
venenata etiam vulnera, sublimati usu,
tam hominibus, quā pecoribus, persā-
nata, dicat: illius veró ob caritatem in-
opia, succum Tabaccę vicariam præsti-
tisse operam, certiore eventu, exemplis
comprobat. Atqui nec sublimatum in-
tra corpus recipitur, neq; ilico argumen-
tari licebit, si externis membris vulnere

diductis competit, etiam intra corpus periclitandum, aut eosdem successus sperandos. Præstiterit igitur, mitioribus primam in experiundo palmam tribuere, puta ligno sancto, aut si contumacior rem se præbuerit morbus, ad unctiones prius, demum ad suffumigia etiam invitis provolvendum erit: Celsi auctoritate in attonitorum phlebotome cōsulentis, fatius esse, anceps auxiliū experiri, quā nullum: potissimum cū dubia spes, certa desperatione potior existat. Proinde quæcunque nostro morbo profligando conduxerunt, omnia a luis Indicæ cura sumus mutuati, ut jam vulgo quoq; sic persuasum, tam symptomatum quā curæ similitudine (per *αἰτιοποιήσιν* nostri, curam, quemadmodum Galli diætā vocant) Gallici hunc morbi non tam simulacrum quā speciem esse, nisi quod aliunde quā commercio Venereo contrahi posse, nostris nunquam antea auditum fuerat. Sudoribus cicuratum malū, & iis quidem natuta vel arte expressis. Kodroffskius Eques Polonus exercitiis & concitatoribus cursitationibus, multos dies sudori eliciendo occupatus, nullo usu;

lo usus artis præsidio libertati se vindicavit. Historiæ tradunt, Judæos e Betica in Mauritaniam transportasse luem Venerream, illic propriis & peculiaribus pessum ire antidotis: qui veró in ulteriorem Numidiam aut Nigriticam Æthiopiam se conferunt, solius cœli ferventioris beneficio, solibus perustos, absque remedium ope, integritati restitutos. Causa in promptu est, quandoquidem flagitiosos homines ad remos condemnatos, inedia violentissimaque corporis exagitatione luem exilio multasse perpetuo, sæpius observatum fuit. Posita vel repetita itaq; hypothesi, neminem extra balneum inquinamenti semina hausisse, cōsequens est, ut disquiramus ordine recitatis balnei partibus constituentibus, undenam primarió labes ceu a fonte emanare & seipsam propagare potuit.

Ædificio seu structuræ universæ vitium tribuere, dementis foret, cui nulla in corpus datur actio, neque contactus: ad aerem porró recurrendum foret: ut neque apodyterio, ubi prius lavaturi vestimenta exuunt, nisi in iis latuisse virus dixerimus. Fornax præterea, seu caminus

ardens visitur, sub cuius testudine, materies substernitur igni succendendo: supra testudinem acervus exardescentium sili-
 cum congestus, cui humore affuso, vapor excitatur fervidus, qui partim spiratione haustus, partim corpus totum ambiens & subiens, calorem nativum torpentem exuscitat, ut mutuis conjunctis operis humores tenues supervacaneos per sensum fugientia cutis spiracula sudoribus extrudant. Aqua deinceps tepida corpus probè fricatum, sordibus strigili, pumice, vel panniculo aspero exterfis, abluitur. Calfacto corpore, sanguine cū spiritu evocato, quibus cordi est, medica affigitur cucurbita, scalproq; chirurgico penitus adacto, epidermis, nōnunquam vera cutis cucurbitæ ambitu comprehensa perfoditur, repositaq; cucurbita, sanguis e capillaribus venis elicitur (scarificationem σικῶαι μετὰ κατασχασμῶν, ut inanem κέφλω, dicunt) quæ repetita, non levem cruoris educit, pro impactatarum numero, & corporis plethorico habitu, quantitatem. Deliniuntur postmodū stigmata seu vibices unguine aliquo, tam ut scabritiem e punctura contractam tollant, & ut

& ut dolore mitigato, cōsolidationi subſerviant. His vulgus ſemina latuiſſe exiſtimat, vela balnei præfecto, collega, miniſtrantibus ſervulis, & ancillis, promaſſe conſtanter aſſeverat. Perſuaſionem hanc antequam mentibus eximamus, conſiderandum erit, quid naturæ tā inimicum, ex toto balneo veſeius partibus exhalare, emergere ve potuerit: aut qua induſtria, quove humano artificio, venenum ita præparari potuit, ut labes ſeipſam ita propagaret: demum, an venenum vel contagies fuerit, determinandū erit. Ulcera putruerunt: tetrum olens ſaliva purulenta, ſuo fœtore putredinem indicavit: ergo *μίασμα σιπιδονώδες*. Venena, nulla inducta putredine, ſola vi lethali, quam deleteriam medici dicunt, interimunt. Venenorum nulli communis fit malignitas, ſed necato animante, progreſſus eis interdictus: atqui propoſito nobis morbo quamplurimis commune fuit malum. Scopus veneni interitus, contagionis non primarius, ſed ut alteri ſuam impertiatur malitioſam qualitatem: neque perpetuus, cūm paucis exceptis hac noſtra

omnes letum evaserint. Venena e diametro cor oppugnant, & sæpius expugnant: Hoc malum stativa circum jecur habuit castra. Ergo revera & proprio significato venenum esse nō potuit, quod ingenio humano confici (lurida terribiles miscent aconita novercæ) quidē potest, at vim serpendi, virus communicandi, in quosvis obvios transferendi, natura speciei conservandæ studiosè provida, ne in immensum sceleratorum effrænis excreceret malitia, illis denegavit. Arti veró naturam superare in agentibus naturaliter concessum non est. Cujus igitur generis delibuta fuit fornax & filices? quidnam deleterii pharmaci vaporem, aquam, aut spiculum polluit? quid virulētiae sub cucurbita latuit? quid adipi permisceri potuit, quod laxis habenis ita grassaretur? siquidē venena privata sunt non publica mala, & contagiosam lucem arte excitari posse nunquam fuerit observatum. Exstant exempla facinorosorum hominum, qui e pestilentibus cadaveribus decoctis, pharmaca conflagunt, & pestilitatem pluribus communē in vulgus sparserunt. Vt hic authorum fidei nihil de-

hil derogatum volo, ita nusquam auditum, contagia venerea, aut Indicū morbum ejusmodi machinamenti divulgatum, cū crassiorē contactum hactenus omnes scriptores desideraverint, licet ratione contagii commune id habeant cum pestilitate, ut semina & fomitem a se relinquant, unde, habito majoris & minoris, severioris inquam & benignioris contagii discrimine, celerius aut tardius quis ea possit malignitate imbui. Pestis arte inveni potest. Ergo & lues Indica. Nulla hæc nituntur consequentia. Testudinem cui pyra substruitur, vel sili-ces ignitos, quis illitos pronūciabit, igne rerum omnium domitore illic summis gradibus cōspicuo? Venenum poscit excessivos qualitatum gradus, ideo nihil simile generare potest. Calori hīc juncta siccitas, quid parturiet? Semina & fomes contagii aliquid humiditatis deponunt, cujus in flamma nulla, aut exigua admodum portio. Contagium putredinem producit: at præter ignē omnia putrescere posse Philosophus statuit, hunc solum immodica siccitate putredini resistere docens. Quam igitur luem medio

igne investigabimus, quo etiam durissima metalla lustrantur, & perfectionem adipiscuntur, omniaque illi injecta tandem conflagrant. Par de vaporibus affusione aquæ e bullulis, elevatis, judiciū esto, si orta attestabuntur principiis. Fovemus interdum valetudinarios balneis artificialibus, decocto herbarum odoratarum laminis ferreis aut lapidibus exal-
factis asperso, ubi vapor odorem, qualitates & vires denique omnes decoctionis refert. Balnei fervens vapor, nullam manifestam sub sensum cadentem pravitatem præ se tulit, nihil olidum naribus, nihil nebulosum vel obscurum caligine oculis objectum fuit, unde vel levis conjectura luis præsentis capi potuisset: quæ si a lapidibus exordia cœpisset, præteriri minimè poterant. Vaporem tamen illum distributioni contagis, & promulgationi strenuam non navasse operam, inficias nemo iverit: sed primam & præcipuam illic sedem ac mineram sive originem statuendam, pernegamus, nisi subiecta unde vaporosi halitus exspirarunt, vitio non caruisse prius probatum fuerit. Oportuisset deniq; omnes qui cum intra
viscera

viscera spiratione hauserunt, non solum eos qui cucurbitas admiserunt, pari ratione infici. Si aquam accusaverimus, vel ea quæ ignitis lapidibus affunditur, corruptelæ expers non fuit, vel qua universum corpus proluitur, pollutam oportuit. Neutrum jure affirmari potest. Si quid in priore labis extitit, igne correctum vel consumtum fuisse est necessarium: hac veró, cum totum corpus non semel atque iterum, sed sæpius obruatur, verisimile fuisset, cutem quæ primò aquam excepit, ejusque alterationi exposita fuit, primùm fuisse perpeffam non per partes, sed totam, cum æquè vnum ac alterum membrum tinctum immersumq; lavacro fuerit. Consuetudo item obtinuit, ut postquam sudoribus propè dissoluti fuerint, fœdis cutis furfuribus abrasis, in solium præcipites sese dedant, illic longam nec tentes moram deliciando cunctentur. Id, eodem aheno hausta unda, repletur, calor frigida eodem puteo extracta temperatur. Cur itaque non universum corpus ilico, porriginosa scabie, tumoribus, pustulisq; defœdatum, quatenus tota cutis tacta est, apparuit?

Deinde *μαύματα* tam fluido subjecto co-
 hærerene potuerant? Viscidam substan-
 tiam quæ facile diduci, cōtagium diutius
 asservare: ut continuitate multiplicari
 possint, *ἐκκρίσις* pro subjecto poscunt. Hu-
 midum alieno facile, suo ægrè coerceri
 potest termino. Seminaria oportuit esse
 potentissima, quæ & puteum inquinave-
 rint, & ignis consumentis vim dum fer-
 vescit aqua, effugerint: illic verò frigus
 scrobis subterraneæ vicerint eique inie-
 derint, ut paucitatem vaporum & eorum
 quoque imbellium (si cum calore contu-
 leris) qui e frigidis rebus exhalare solent,
 præteream. In usum ciborum elixando-
 rum venit aqua, penitus intra corpus as-
 sumpta nullam peperit noxam. Itaque in
 excessiva humiditate contineri potuisse
 quin diffluerent aut inertia redderentur
 semina, docere prius oportuit. Cutim di-
 xeris pollutam. Exigua cucurbitæ subje-
 ctæ portiuncula quam feriit scalpellum,
 recepit inquinamentum. At diligenter
 abstergere cutim, superficie tenus aqua
 vel madore perfusam, antequam adhæ-
 rescat cucurbita, in more positum habēt
 artifices, ut culpa in aquam minimè con-
 ferri

ferri queat: qua cū omnes æquē perfusi
sint, rationi videtur consonum, omnes,
non modō quibus cucurbita impacta fu-
erat, offensam perpeti debuisse. Secus
accidit. Par de cucurbita ratio. Si in
eis occultatū delituisse virus, omnium
vestigia putredinis conceptacula fuis-
sent. Atqui duę vel tres ad summum, una
plerunque, pro proportionē & numero
inhærentium cucurbitularum, exulce-
ratione molestata fuit. Innumerāne po-
nemus, aut cōtinuitate in infinitum pro-
ducta seminata, quæ sigillatim quanque
& centenarium numerum longē exce-
dentē infecerint cucurbitam? Vtrumq;
rationi dissonum: ut hoc impossibile, ita
& illud, quod cæteris intactis uni vel pau-
cis adhæserit contagium, cū natura nō
ἐν τῷ περιπέσειος agat, non plus huic quā al-
teri vicinē instillaverit, neque artifex cæ-
dem molitus, unam præ reliquis notatam
habuerit. Præterea priusquam impin-
gantur cucurbitæ, solertem iis aqua tepi-
da abluendis curam adhibēt, eas diutius
macerant, & qui balneatorum suspectas
habent fraudes, ipsimet crebrius fricant,
abstergunt, & tam intus quā foris, ne

quid sordium aut immundicie adhærescat, sollicita indagine perquirunt. Delicatiores e locupletibus, repudiatis vulgaribus æneas secum domo deferunt cucurbitas. Quid reliqui imbutæ contagioni supererit, quominus extorris a tot ablu­tionibus reddatur? Si quid superstes remanserit, flamma cucurbitæ inclusa, nonne ei absumendæ sufficiet? Imó cū ad se trahat cucurbita, si quid cuti subjaceret virulentia (quatenus sese exporri­geret *ἐπιπορευτική* vis sua) violentius evoca­ret, quā ut illi putrefacientem imperti­retur malignitatem, cū aliorum pro­pellendi destituta sit facultate. Vel igitur omnes cucurbitæ fuerant inquinatæ, aut omnes immunes esse oportuit. Neutrū verum. Ergo luis origo illis accepta ferri minimé debuit. Si spiculo, minutulo ferramento cutim perfodienti impactā dixerimus luis materiam, in eundem im­pingemus lapidem. Cur non omnia lo­ca scarificata putredinem conceperunt? cur uni soli vel paucis numero ea com­municata? Phlebotomum specillum cū genuinam pellem altius subierit, verisimile est, parietibus membri ex vulne-

vulnere inflictō divulsi, e vestigio adhæ-
surum si quid inest toxici, neque reli-
quum futurum quod secundo vel quin-
quagesimo ictu, cū vi adactum ægrius
revellatur, communicetur. In infinitum
non datur actio neque progressus: infini-
ta non fuit vis, neque fomes immensus.
Si extrinsecus, ut ariolantur, spiritu vel af-
flatu illi fuisset virulētia attributa, crebrā
de integro cuspi illitionem aut afflatio-
nem reiteratam postulavisset, quōd in tā
numerosis puncturis, velocissima opera-
tione, fieri non potuit: aut si fortē tenta-
tum, suspicionis crimine & reprehensio-
ne vix caruisset. E napello toxicum qui
conficiunt feris interimendis venatores,
(ejus merito Hispani hierva dellos bala-
strieros indigitant) spicula aut sagittarum
mucrones ad cujusvis feræ ictū absum-
to veneno, denuo relinire necesse habēt,
eoque vasis e bovis cornu affabrē factis
inditum circumgestant. Huc acce-
dit, quōd absoluta unius aut alterius sca-
rificatione, hebetioribus redditis, ad co-
tem, vellora in hunc usum confecta de-
nuo scalpellis obtusis acies inducitur,
splendore unā allato, qui nihil sordidum

inhæsisse, quód vel actionē celerem cunctando remorari, vel infligendo, vulnere venenum transfundere potuisset, manifesté arguit. Pinguedine delibuta redduntur stigmata, remotis jam scarificatione finita cucurbitulis. Ea latuisse abrasum virus, sunt qui suspicentur. Quisnam eó seminaria abdidit? quo artificio eó occultata aut inclusa sunt? Sævum olei loco, lucernis nostri materiam flammæ subministrantes, adhibent: illi quo pacto permisceri potuerunt *μίσματα*, cū naturæ solius sit tota per tota miscere? Cur artifex ungens frequenti tractatione non impetitus prius quàm unctus? Vnius cucurbitæ vestigium cur putredinem concepit, omnibus ex æquo delinitis? Deinceps ignis accenso ellychnio nonne potuit, si non prorsus absumere, attamen aliquantisper corrigere virulentiam illā? Eadem repetitur *κράμβη*. Extremó suspicionibus tantum fuit indultum, ut affirmarent Adamum cum collega Ambrosio Indico morbo laborasse, & operam chirurgi Evancicensis restitutos olim fuisse: nunc etiam exuvias quasi veteres redivivas contagio occasionem dedisse.

Hi

Hi contrá constanter pernegare factum. Esto. Quadriennium abiisse dicunt. Cur modó prorupit? ubinam hætenus latitavit? Ex eo tempore aliquot hominū myriades iis se proluerunt balneis, nemine eorum labem ullam aut affectionē persentiscente, licet iidem, lavantibus, necessariis exhibitis ministeriis, continuó astiterint. Recens tum & magis efficax contagium, quàm inveteratum modó, erat. Cæca dices occultaque seminaria, neque de necessitate esse, ut ocysimè emergant, plus nimirum flagitare temporis, & posse diuturnioris temporis spacio morbos repullulare, qui jam tenebris opacis absconditi & sepulti judicabantur. Cur autem hac quam illi comminiscuntur recidiva, securum & immune universum fuit famulitium? Ministrantes prius pollutos oportuit, si propagari ipsorum consortio debuit labes. Omnis autem maculæ expertes fuisse, non scabie, pustulis, cephalalgia, artuumq; cruciatibus divexatos, omnibus in confessio est. Antidotis inquires se munierāt. Quibusnam obsecro? Inter luis Indicæ cautelas potissimum venereæ illecebræ no-

tantur, ut qui ea corripere non volet, fœminarum congressu abstineat, & arctiorem cum infectis consuetudinem fugiat. Nostris hominibus mehercule hac luc nihil præsidii attulit abstinentia ista, cum aliunde manaret contagium. Adolescenti verò, cui perfodiendi pellem partes erant assignatæ, quam ignominia notam inuulerimus? Eandem is subibit aleam? Hærent. Ex iis liquidò quivis æstimare poterit non e causis putatis ortum inquinamentum, sed aliam ipsius origini causam comminisci oportere.

Contagiosum non venenatū novum hunc esse morbum supra cum constitutum fuerit, necessariò pervestigandum, de origine illius certam scientiam habituris, an cōditiones in contagio requisitæ illi affuerint, necne, alioqui in vado quod ajunt, hærebimus. Ad constitutionem contagii cōcurrunt, Putredo, & quidem non vulgaris, sed quæ totam substantiam resolvat, e qua emergunt halituoosi vapores, non quidem inanes, quæ solam vim aut qualitatem nudam, verumetiā portiunculas quasdam substantiales (ut semen totam plantam in se continet) aut essen-

essentiales tota subjecti corporis natura prædita secum vehant, quarum ea est virtus & efficacia, ut putredinem in specie similia corpora traducere, & eandem iisdem dispositionem impertiri, ut nihil interim de subjecto unde prodeunt decedat, possint: sed origine a corpore polluto (undecumq; illud contaminatum fuerit) ducta, exuscitentur vapores viscosi, seminariis putridis referti, qui transferre possint affectionem putridam in specie similia subjecta. Vt igitur in omni alteratione perpendendus terminus a quo, & terminus ad quem, ita res quæ propagare debet contagem, oportet ut sit putrida: ut vaporem ex se mittat, eumque imbutum dotibus, quibus & subjectum unde emanaverat, & eandem specie dispositionem alteri communit. Neque prius germano sensu genuinoque significato dicetur contagio, nisi cum subjecta e quo derivatur, & in quod transfertur inquinamentum, eadem contaminatione aspersa fuerint, etiam ex agentium & patientium relatione mutua, cum agens non possit suam formam imprimere passivo, nisi prius ipsum eadem

qualitate imbutum fuerit. Quam in camino, filicibus, aqua, cucurbita, scalp proferali, unguine statuemus putredinem? Estne animantis, aut inanimatæ rei accidens putredo? morbosamne illis tribuemus dispositionem, cum neque valeant neque vivant? Differentem toto genere effectum tribuemus causis putatis? Supeditabuntne qualitatem passio, qua ipsa destituuntur? Inficientne aliquid specie dissimile? Cum uvæ, poma, pyra, non lignis aut lapidibus putredinem insinuât, sed sibi similibus fructibus, cur supra recitata balnei instrumenta eandem humano corpori impertientur? quænam inter hæc cognatio vel *συμπάθεια*, vel in partibus integralibus, aut tota temperatura? Quid vaporosi effluvii manabit e filicibus, cucurbita, scalpello? Tantundem liquoris ut e pumice aut ferro expresseris. Aqua verò ratione frigoris & paucos edit vapores, eosque ab obviis quibuscunque superatu faciles. Malus verò diuturnitatis custos, obliquidam & fluidâ substantiam, eoque viscosa seminaria neque coercere, neque continere tantisper, ut validiorem impressionem faciât, potest.

Adven-

Adventitio fervore ſi incaluerit, ut ille eſt propè momentaneus, ita eo ſolū ver-
tente aliorſum faceſſit, etiam vis putris,
illi ſi qua irrogata fuerit. Adeps licet craſ-
ſus, frigore concretus, ratione tamē pin-
guedinis aliquid aereum obtinuit, cujus
merito diſſolutus & calefactus, vaporem
ederet quidem, at num ille putridus eſſet
futurus, & an putredo vera illi compete-
ret, neminem aſſerturum exiſtimo. Si
igitur omne contagium in ſimili, neces-
ſarió conſequetur e natura contagii, cū
homines contaminati fuerint, labis prin-
cipia ab homine quoque diſmanſiſſe. Id-
circo oportuit balnei præſidem publico
hypocausto infectorum medelam inſti-
tuiſſe, illos vaporario eodem fovifſe: aut
ipſummet, pilicrepos, ciniflones, cæte-
rosve balnearios miniſtros, vel domeſti-
corum unū aut plures pollutos, aliis luem
communicafſe. Si hoc probari non po-
terit, reſtat ut dicamus, quempiam illic
lavifſe, qui prius Indico morbo infeſtatus
ſeminaria contagii hinc inde vaporis te-
pidi adminiculo diſſeminaverit. Præter-
quam quòd balneator pertinaciſſimè fa-
ctum pernegat, ejus innocentia etiam

hoc patrocinari videtur, quod qui hydrargyro ungentur, aut fumo e Cinna-
bati torrentur, per cōtinuos dies decem,
viginti, plures, aut pauciores, prout rei
exigit necessitas, execrandum hoc cura-
tionis genus sustinere necesse habent.
Vacare ægris quidem licuit diebus inter-
calaribus: at cū publica (quod ter qua-
vis reiteratur septimana) prostabant la-
vacra, quorsum migrare fecit ægros? In
aliud, inquires, conclave. Atqui omni æ-
re toto curationis tempore illis interdi-
ctum, neq; absq; vitæ discrimine aeri fri-
gidiusculo sese exponere possunt, suda-
toriis perpetuó inclusi, quantum censes
in toties repetita transmigratiōe fuisset
periculi? Si olim ipse vel suorū quispiam
fuit commaculatus, latuit forté fomes se-
minarii in stragulis vel vestibus (ut acci-
dentia suis causis tecta sæpè occultantur,
ut sensus quoq; fallant) qui tandem ex-
uscitatus contagii auctor fuit, ut causa,
quæ aeri primó vel corpori tangenti, aut
assumentī communicaverit perniciem.
Huic tamen assertioni repugnat vomica
sub cucurbita, ubi fixa videtur fuisse pu-
tredinis basis. Hisce ambagibus facilius

nos

nos extricabimus, neq; tot difficultatib⁹ involvemur, si culpā in externum quempiam conjecerimus, quod minimo negotio propugnari poterit. Adiit balneum, ibiq; lavit, vehementer hoc anté infestatus morbo. Licuit ipsi. Tantos enim balneatorū avaricia fecit progressus, ut cuivis ingredienti promiscuē & impunē fores pateant, nullo discrimine opum, gradus, vel dignitatis habito, nullo examine pollutorum & contaminatorū ab iis qui macula omni carent, instituto. Thermis agro Viennensi lege sancitum, ne quis ulcere, scabie, aut alio cutis vitio notatus sese proluat. Præfeti partes sunt, ubi levius apparet suspicio, ampla cum potestate perscrutandi etiam nudos, & si quid macularum apparuerit, eum arcendi, aut in ea loca, quæ in usum defœdatorum separatim exstructa sunt, delegandi. Quamvis & hîc

Dat veniam corvis, vexat censura columbas,
dixerit quispiam. Si fidem tuis conjecturis adhiberi velis, digito commonstrato & dicito, Hic est. Ocularis sané demonstratio omnem animis eximeret dubitationem, neque hic labor nobis assu-

mendus fuisset. Veruntamen in tanta colluvie hominum, loco omnibus pervio & patente, corycæos quosnam institues? Quid si plures fuisse dixerimus? Ex tam multis exiguo intervallo temporis corruptis, ariolari non vana conjectura licebit, non unum solum fuisse. Ter quavis hebdomada calefiunt hypocaustra, cattervatim eó advolant omnis generis homines. Artifices manuarii hebdomadarii penso absoluto etiam sole jam occiduo agminatim eó cōfluunt: ruri qui habitant, rusticanis laboribus exantlatis, sudore & horrido pædore fœdissimi exoneratum sordes gregatim huc concurrunt. Quid impedit, quo minus in tanto numero, supina balneatorum negligentia, aut importuna argenti siti fameq; aliqui lue Indica jam marcidi clanculū sese ingesserint? Si sub crepusculum vespertinum ingrediantur, etiamsi ulceribus sordidissimis scatuerint, quis animadvertet? cū tenebrarum beneficio ulcera & Telephia facile quivis occultaverit. Patuit accessus, ut suprà retulimus, etiam Apellis recutitis duobus Hunnobrodensibus impurissimis, aliās a consortio Christiano-

ftianorum abigendis, quos etiam antea labe nō caruisse vel hinc suspicari licet, quód alter nō longo póst tempore vitam cū morte commutaverit, alter in lepram morbum magis horrendum inciderit. In Italia & Galliis morbus hic familiari-
or est, attamen gentis instituto publica balnea vel nulla, aut vix uni vel alteri peregré advenientium frequentata, neque nisi per vices (cūm has delicias non tanti faciant, vel privatas metu pollutionis locupletiores instituunt) lavare cōcessum, tum invitis lavantibus, balnei non datur supervenientibus, nisi primi excefferint, potestas. Eapropter hac via malū communicari non solet, cūm alia compendiosiora luis adipiscendæ aucupia in usu habeant.

Proinde infectus vel infecti, balneum ingressi, corpore concalefacto, flatu sive spiritu aerem polluerunt, vel per contactum vicinos assidentes coinquinarunt. Si per aerem labes propagata fuit, tunc necessarió e corrupta substantia infecti emerferunt corpuscula putredinis semina cōtinentia, quæ vel νοσερὰς ἐκκρίσις, μᾶσιματα σηπιδονώδη, πνεῦμα φαῦλον & βαρὺ, ἀπορροὰς, vel ἀπο-

G

xpioreis nominaveris, nihil interest, modó
 de re ipsa constiterit. Seminaria illa bal-
 nei tepido vapore recepta, sese insinua-
 verunt corporibus aliis, vel per hiantia
 corporis spiracula, vel viis spiritus hausti,
 labem acre corrupto propagaverunt.
 Quód si crassio rem contactum requisi-
 veris, infectus incaluit, sudore dissolutus,
 toto corpore corrupto virus extrusit: tū
 sordibus cutis absterfis (ob frequentiam
 lavantium crebro ut sese mutuó contin-
 gant, usu venit) vicino assidenti eas im-
 pertivit, ita cuticularibus meatibus rese-
 ratis, facitē subiit contagii seminarium.
 Prior modus ob corruptorū copiam ve-
 risimilior, cū isti adversetur locus pu-
 tredinis, cucurbita medica quasi coerci-
 tus, quó sordes vix pertingere potuerūt.
 Tam leviano dixeris horrendæ luis pri-
 mordia? Plures eodem tempore infecti,
 eos ceu qui a Scorpio icti, ab eodem me-
 delam deposcunt, in balnea recurrisse su-
 perius narratum, unde malum cōsequu-
 ti fuerant, remedia illinc flagitabant: at
 pro thesauro carbones reperti. Iterum &
 tertium repetebant cucurbitas, quæ non
 nisi vaporario hypocausti, sanguine ex-
 cale-

calefacto, & foras evocato, affiguntur: quó plures eó concurrerunt, magis auctum contagium. Præterea morbo inter initia occulto, furtim suscepit incrementa, minus providis hominibus, a conversatione illorum nemine abstinente, tum sensus fallens omnes, radicibus jam actis primúm fuit cōspicius, cū jam universus sanguis corruptus fuisset. Sic putredo aucta, invaluit contagium tam in quali & quanto, ita multiplicata seminaria. In majori quanto major virtus: ita increbrescentibus morbidis, eoque confluentibus subinde majores vires concepit vis contagiosa. Quid si addamus seminaria fuisse adeó viscida & sordida, ut parietibus balnei etiam, & stragulis aut aliis indumentis, conclavi spoliario adhæserint. Ter quavis septimana calfactis balneis, fomes illic asservatus revixit, & infectionis propagationi non leves tulit suppetias. Ecquid de cucurbita? cur illic basis fuit putredinis? quo pacto eó confluit vis contagiosa? nulloque alio loco sensibus primúm quám illic sese subjecit labes. Hoc opus, hic labor est. Cucurbitam cuivis sedi

vehementer impactam, magici incantamenti instar ad se trahere, cum Galeno profitentur Medici. Lanceola epidermide discissa sanguinem violenter extrahi ἀποψία docet. Luem intro jam receptam spiratione, vel contactu, auté constitutum fuit: quid igitur impedit putredinis seminaria ab efficacissima cucurbitæ vi attractoria, ejusdemque operatione velocissima, antequam alibi sedes fingerent, in eum locum pertracta fuisse? Attrahere dicitur fuga vacui cucurbita: carnem subjectam primùm calefacit, quæ deinceps rarefit, daturque spacium spiritus aut vaporis exhalationi (quam ἀδηλον διαπνύω vocant) accedentibus vulnusculis, tenuior primitus, postea & crassior sanguis exudat. Contagiosam vim huc initio concessisse, non solùm conjecturæ, verumetiam αποδείξεως instar est φλεγμονή, ardor, rubor, dolor, pustulæ circumquaque efflorescentes, quæ in fœdum abscessum terminatæ sunt, cùm neque putredo contagiosa, ἀνευ ὑπερκαύματος fieri possit. Contrarium sentire videntur auctores, qui non secus ac leporem marinū pulmonibus insidiari, torpedinē

ner-

nervis stuporē conciliare : ita etiā Indicū primo protinus occurſu jecur occupare, firmiſſimis ſtabiliunt argumentis. Affirmari hoc noſtro morbo id minimē po- teſt, prima ſcilicet fronte aut primo oc- curſu vim hepatis eſſe illatam, ei veró tan- dem communicatum nullus inficias ive- rit, argumento e ſymptomatum natura & eorundem congerie depromto. Hippo- craticum eſt: Vbi dolor, calor, frigus, fu- dor, ibi morbus. Ergo & cauſa vel hu- mor morbum procreans. At non niſi ambitu cucurbitæ caro comprehenſa in- itio doluit? Imó diverſitas locorum, in di- verſa traxit morbi materiem, ut ſi circa ſcapulas, dorſum, genua, adhæſiſſent cu- curbitæ, eó ſtatim derivaretur malum adhuc ὀργαζων. Tam anguſtiſne finibus lues coercita, horrendorum ſymptomatum author exſtitit? Solum ulcus principiό curationem poſtulabat: (quod ante pe- des eſt vulgus perpendit) illac educi con- tagioſa ſemina oportuit, illud conſolida- tum, materias aliorſum præcipites ferri juſſit: hinc dolores atrociffimi artuum conſequuti. Imperitia itaque chirurgor- um ſubſidia porrexit luis incremento.

Loco affecto ἀποκρυστικά, fervorem extin-
 guentia, actu frigida, adhibuerunt: Om-
 nibus autem cutaneis affectibus, con-
 tagiosis & venenatis morbis a circumfe-
 rentia ad centrum repulsio interdicta.
 Tabacq̃ liquor (licet herba & succus pa-
 lato acrem & urentem exhibeat faculta-
 tem) cum sub altercorum classe colloce-
 tur, refrigerantem & repellentem vim
 obtinuit. Lac virgineum, unguen rosa-
 ceum, Refrigerans Galeni, & alia id ge-
 nus apposita, contagiosam vim repule-
 runt intra corpus: tum illa mineram suam
 seu focum jecur nimirum petens, sangui-
 nem paullo post totum corrumpit: qui toto
 pervagato corpore, nutriendi beneficio
 præditus, pabulum membris pollutum
 αἷμα πῶς ἐνὶ vitiata exhibuit, tale inquã, qua-
 lis ipse jam corruptus fuerat. Hinc sca-
 bies fœdæ, ulcera Telephia, dolores ar-
 tuum, longo examine originem traxere,
 & reciproco quasi itinere sanguis ober-
 rans modo ad contagii basim, illinc verò
 repetito cursu materiæ profligatæ ad je-
 cur, omnium accidentiũ etiã sævissimor-
 um occasionem præbuerunt. Tenuium
 humorum est ὀρρασις, avidissima humorũ
 cupi-

cupido: Sed crassam indicant omnia symptomata materiam, & frigidam, earū videtur raptus tardus, cui motus ignavior suffragiū feret. Tenuiores partes absumtas etiā a flamma cucurbitæ, crassioribus residuis, docet alopecia (levissimū Indici morbi accidēs) in nemine cōspecta, cū a falsis, acribus & tenuibus humorib. radices pilorum erodentibus, depilationes oriātur. Si seminaria cōtagiosa primo impetu jecur protinus inuasissent, fieri non poterat, quin ceu in cloacas sua se emunctoria exonerare solitū, tumores inguinū protrusisset. Bubones veró nusquā cōspecti, veluti neq; gonorrhœa, cū non e venereo congressu ortum duxerit malū. Deinde vim cōtagii tantā, tā exiguis carceribus definitā cui admirationē pariet, cogitet, nō semper copia, sed vehemētia agendi & promptitudine, malignitatē estimari: neq; initio tantā illius fuisse copiā, quin cogi in angustū potuerit, siquidem & extra cucurbitæ vestigium sese postea diffudit. Sed cū creber pollutorum ad balnea fieret concursus, auctariū datum putredini, præsertim corporib. cacochemicis iuxta dictam suprà declaratam.

Tum quia non matutinis, sed pomeridianis horis calfiunt balneæ, neque nisi lauté pransi, potibus cibisque abdomine distento, cuti balneis nitidiori reddendæ indulgent. Non desunt alii, quibus in deliciis est inter lavandum sese mero ingurgitare. Fomenta hæc sunt contagionis celerius attrahendæ: & si quæ attracta, maligniore qualitate imbuendæ. Quó igitur plures infecti, majus inquinamentum, major communicatio, vehementior putredo, quæ ruptis repagulis tandē per universum disseminata corpus, non ut anté arctis sedibus contenta, omnes hominis commaculavit humores. Nonne qui a scortis malum mercantur, plerunque cariosis sub præputio exiguis admodum ulcusculis infestantur? Contagio loco valde exiguo primū adhæsit (nonne e scintilla primū favilla, post ingens rogos) deinceps jecori transmissa, nisi opportunē remedia & tempestivē adhibita forent, æquē ut noster horrenda inveheret accidentia. At ubi familiare malum, trivialia etiam vulgo cognita sunt remedia, & principiis cū obstiterint, de cetero minus sunt solliciti: cū nostri

noſtri non niſi ſuo malo ſapiant. Reſtat
enodanda quæſtio, quid ſubſit cauſæ,
quòd ſoli, ſcalpro vulnerati, & cucurbita
uſi, labiB nocumenta conceperint. Æ-
quum fuiſſet, cùm clauſtro communi e
corpore vapor viroſus emerſiſſet, vel o-
mnes qui tunc præſentes affuerant, pari-
ter contaminari: aut hoc non conceſſo,
ſaltem non ſolos ſcarificatos impeti, aut
vitium contrahere debuiſſe. Culpa ve-
nit tribuenda ſpargenti, vel excipienti
contagium, aut ipſimet contagio. Quod
pollutus, uni efficacius quàm alteri im-
pertiverit lucem, veriſimilitudinis nihil
habet cùm in ſuo non erat id poſitum ar-
bitrio: & ſi voluntas minimè defuiſſet,
operandi tamen poteſtate deſtitueba-
tur. Neque diſſimilitudinem, ratione
ſui, in contagio eſt reperire, cū nulla ſym-
ptomatum diverſitas, formam ſi ſpectes,
obſervata ſit: neque majus & minus dif-
ferentiam ſpecierum conſtituant. Reli-
quum eſt igitur, ut diſcriminis cardo cir-
ca excipiens volvatur corpus. Expul-
ſa eſt contagionis ſementis, quam non o-
mnes in ſinum recondidiſſe conſenta-
neum: cùm nō ex quovis ligno fiat Mer-

curius : defuit analogia : nulla fuit ἐπι-
 μότης : symbolo fuere destituti. Vatiniano
 pestilias cor impetit odio , non tamen
 cunctos mortales vel præhendit vel ju-
 gulat. Ita necessarió nō deducitur, omni-
 bus, contagii haustis seminibus, pessum
 eundum, aut pœnas luendas. Hic veró
 cui certó constat, aut quis impuné asseve-
 raverit, cū initio labes in balneo sparsa
 fuit, non omnes tunc præsentis ex æquo
 infectos, vel non omnes cucurbitas (cū
 raró non nisi ob eum finem balnea petāt)
 apposuisse? potissimū cū origo vel mo-
 mentum invasionis hætenus omnes la-
 tuit, neq; dies aut hora certó præfiniri po-
 test, quo quis se infectum noverit, vel as-
 severare auit. Nullam vim meo iudicio
 veritati faciet, qui vel omnes, non solū
 scarificatos, dixerit infectos, vel omnes
 cucurbitis tunc usos, cū fundamenta
 contagii jacerentur, pronuntiaverit, cū
 contrarium, quo illa destruantur, afferri
 non possit. Ne tamen videamur quasi fo-
 rensibus diverticulis alios ludificari καὶ
 ὑποσκελίζειν, dicamus: Contagium ex plu-
 ralitate contaminatorum ducto argu-
 mento, vehemens quidem statutum, an
 ve-

veró crassum aut tenue, in ambiguo collocatum fuisse. Initio semina tenuia, ut etiam sensus & obtutum fallerent (alioqui quisque sibi cavisset) consentaneum. Quo concesso, quid obstiterit asserentibus, magis quam alias corpore in thermis patente, & undiquaque pervio, hausta quidem, sed eodem protinus momento, eadem via, etiam propulsa quibusdam exactaque fuisse seminaria? Vires adhuc præsentes, patuit tam appulsus quam regressus, nullo obice, aut retinaculo impediēte. Si tempori, (cum omnis actio in tempore, & tempus sit numerus motus) vel moræ in agendo aliquæ partes sunt assignandæ, neque tantum cunctentur in balneis, qui cuticulam duntaxat curant, ac qui sanguinis detractione occupantur, supervacanea quæstio, cur hi, præ illis sauciati: Vel non tantum fuit roboris seminariis, ut tam citò suam illis imprimerent qualitatem, vel efficacitas minimè defuit iisdem corporibus ad resistendum, nulla præsertim via ipsis invia, tam concipiēdo quam repudiando contagio. Quemadmodum igitur

de facili fuit comprehensum, ita minimo negotio evanescere, diffilari, dissiparique potuit virus, ne firmas ageret radices, aut perpetuas illic collocaret sedes. At qui cutim fauciarunt, & cucurbitas impegerunt, eó ceu in cuneum omnes luis coegerunt copias, coaggerarunt in eum locum quicquid uspiam corpore virulentiae continebatur, & sic robur majus adeptum (virtus unita, fortior dispersa) seipso potentius evasit, donec sanguini & jecori, sanguificationis officinae, transfunderetur vis contagiosa, quæ longo accidentium numerosq; examini, tandem materiam & occasionem præbuit. Putredo igitur contagiosa, intra corpus recepta, cucurbitæ vestigio ceu foco aut fonte, sedem fixit, illinc jecori propagata, deinceps toti sanguini labem impertivit, balneo vectoris vel traducis duntaxat munere perfuncto. Quod ex supra prolatis planum & perspicuū evasit. Transeundum ad eos, qui propinquioribus causis minimè cōtenti, porro progrediendum, & antecedentium causarum urgent investigationem, eoque contagionis principia in sublimes causas cœlitusque delapsa

psa seminaria referunt. Conspicati si-
quidem plurimos confertim præhenso,
quemadmodum aliis populariter graf-
fantibus morbis cœlestes & generaliores
assignamus causas, ita huic quam maxi-
mé universalem, & supra vel plus quàm
naturalem attribuendam decreverunt.
Petitis quoque e siderali scientia rationi-
bus, crinitis stellis, aspectibus trigonis, te-
tragonis, hexagonis, errantium stellarũ,
earundem conjunctionibus & opposi-
tionibus mutuis, in morborum produ-
ctione nescio quid latentis *ἀνεργείας*, ut alia-
rum rerum sub lunæ orbe contentarum
generationi & corruptioni, attribui de-
bere, contendunt. Huc accedit, quód
10. Novembris die apud nos, alibi veró
citius & tardius, infestum sidus Cometes
ingenti visus magnitudine, quem adhuc
fulgentem non longé póst ceu soboles il-
lius (cúm etiam inopinató apparuerit)
morbus contagiosus excepit. Suffragi-
um iis fert sacrosancta veterum auctori-
tas, qui epidemios morbos, eorumq; ex-
ortus, & durationes, in planetarum inso-
litas copulationes retulerunt, quód et-
iam inductione probaturos se pollicen-

tur. Diversam præter vulgarem & gregariam causam effectricē, nostrum produxisse argumento est illius ortus & occasus, cum solis in Capricornum ingressu, sole inquam hybernū solstitium constituyente emerferit: ejusdem in arietem ingressu verno æquinoctio incunte, cesserit, eaque ratione trimestri inquam decursu suam emensus sit novus morbus periodum. Et quandoquidē morbus Indicus, cui hic cōgener, vel idem prorsus, dictus e cœlo aut tartaro potius originē traxisse perhibetur, rationi cōsonum, ut cui convenit definitio ē Dialecticorum placitis, ei etiam definitū competat. Non parvi hæc esse momenti, eoq; non susq; deq; faciēda, sed diligēter expendēda nō nulli cēlent. Unde Indic' exordia ceperit, *Grammatici certāt, & adhuc sub iudice lis est.* E diverso astrorū positu qui futura prædicunt, fatales quasdā cœli revolutiones notarūt, puta, prodigiosum Saturni, Martis, Jovis, trium inquam superiorum errantium siderum, cōgressum: hic quō rarior, eō rariores & formidabiliores parit eventus: cum quia causæ sunt potentes, vehementiores proinde faciunt impressiones:

fiones: tum quia ratione cunctationis & durationis a motu tarditate profectæ operi diutius insistere valent. Ab ea itaq; portentosa coitione, ominosa prædicenda, nec quicq; plebejum & vulgare exspectadum, præsertim in novorum morborum succretione, sed contagiosos & pestilentes metuendos. Alii ex corrupto alimēto, quo infans in utero nutritur, nō secus atq; morbillos & variolas prodire, eaq; ratione sponte sua absq; cōtagio, Indicum posse ubiq; oriri asserunt, eo solo argumento, quod nullus morbus perpetuō hominem infestet, quin aliquādo finem faciat. Cōtagio autem semper præsupponere aliū infectū necessitas exigat, & ita dari progressum in infinitum, quem natura abhorret. Cunni muliebris corruptioni qui luem acceptum referunt, eis quoq; probatio incumbit, unde is primō inquinamentū acceperit. Ex America, mercē præciosam nobis advectā, nemo it inficias, illic quidē populariter grassatur, verendū tamē, ne illis ab astris defluxisse, nobis veró cōtactu cōmunē redditū, fateri nos oporteat. Nostrū morbū e vulva nō propagatum jampridem probatū est.

Afflixit quidem plures, non tamen ea-
propter adeó generalem postulaverimus
causam, quia Gutturitas convallibus
Carniolæ & Styriæ frequens, imó popu-
laris, illic & ἐνδημος, qua tamē haud omnes
infestantur, ut aliis quibusdam regioni-
bus straborum, gibbosorū, plures quàm
alibi reperiās: quo etiam ἐπιμότης τῆ πάροχης
accersenda. Cometam veró Monarchis,
Regibus, Principibus, heroibus & aliis
summo rerum fastigio collocatis infau-
sta portendere, neque ad humiliora sese
demittere, jam pridem creditum est: ac si
hunc Regi Persarum mortem, Lusitaniæ
tristissimam cladem, & Mauritaniæ Re-
gulis internecionem, denunciassē im-
puné quis asseveraverit. Quid illi cum
Brunna nostra privati negotii? Potenti
nimirum & immensę causę, amplissimus
effectus, in latum & amplum sese diffun-
dens virtus, tribui debet: tamne angustis
limitibus vis Cometæ terrifica definie-
tur? Absurdum magis erit, quód e tribus
urbis balneis, in unum duntaxat exitialis
ejus facultas grassata fuit, ac si illic con-
clusa, ulterius debacchari non potuisset.
Peculiarene fuit hujus balnei fatum, ut
ejus

eius excidium minaci debuit prædici Cometa? Eóne solúm seminaria effusa a sideribus errantibus fuere? De origine quod affertur, fortassis non tam Solis hybernæ stationi quám nundinis tribuendum. Institorum enim mercibus publicé distrahendis sacrati dies cúm in id tempus incidissent, quibus fæx hominum & colluvies e pagis & agro vicino confluere solet, quid mirum, si majore ad balneas & præter solitum factó concursu, aliqui contagiosarum mercium sentinam eó exoneraverint? Et quód trium mensium spacio impuné quemvis corripuit contagies, postea exauctorata, quasi finē nocendi fecerit, forté nō tam solis mutationi imputandum, quám quód in ea tempora inciderit interdictum, quo balneatori vetitum, ne artis munia exerceret, cúm sua quoque sponte refugerent homines contagiosi balnei ingressum, deficiente videlicet subiecto, cui deinceps infligeretur exitiale virus. Alieno malo tum cautiores redditi cæteri balneatores, levem ob suspicionem, a suis arcebant domiciliis, omnes quos illic lavissè aut aliquantisper infectos noverant: eoque ad-

H

huc illæsi, sinceri atque immunes perstiterunt. *Μαρκιῶ δ' ἀστρολογίας*, & phycas portentorum, ostentorum, prodigiorum & causis sublimibus ceu effectorum deductiones & interpretationes, ut hisce non impugnamus, neque everfas volumus (rem etenim controversam privati juris minimè facimus) ita neque prorsus inficiamur, in morborum generationibus, ordinato eorum progressu, rationalique Methodo curativa instituta (exemplo sunt Critici & decretorii dies) tanquam *σωαπίας*, aut si mavis *συνεργίας* causas sublimes concurrere posse, potissimum Solis Lunæque deliquia, & statas ipsius mutationum vicissitudines, cum sanguini, & humoribus, proinde affectibus, qui ex humoribus dependent, Lunam dominari, longus usus, & rerum experientia nos fateri cogat. Procul autem petitis principiis insistendo, quæ cominus, & ante pedes sunt missis, causas in cœlo venari, quis nobis persuaserit unquam? Medico, artifice sensato, sat fuerit, missis factis supremorum siderum ambiguis comminationibus, aeris regionum qualitates, illi a superioribus corporibus impressas,
ad

ad amissim cognoscere, secundum normam illi ab Hippocrate traditam. Ita novum hunc morbum, contagio, e subiecto putri elevato, vi balnei in alia traducto corpora, inopinató emerfisse, si sciverit, causarum peregrinarum, vel generaliorū investigatione curiosiore ad Metaphysicos relegata, facile quod illi est proprium, & feliciter, curationem aggredietur & absolvet.

Hæc de morbo novo: ubi si prolixius, verbosius, aut etiam odiosius, nonnullis quædam repetita & exaggerata videbuntur, inserviendū fuisse noverint theatro: cū neq; dum e mentibus hominum extirpari potuerit falsa de morbi origine persuasio: pertinaciterque illius culpam in balneatorem conferentes, eundem, omnium suarum miseriarum & afflictionum caput, & causam, adhuc quiritentur. Forté si alii suum interposuerint iudicium, re in tranquillum restituta, & de nostris & reliquo genere humano bene merebuntur. Quod ut faciant, etiam atque etiam rogo.

Brunnæ XV. VIIIBR.

M. D. LIXXX.

H 1

THEOPHILVS HOMO-
DEVS RHOETVS, MEDICINÆ
Doct̃or, Lect̃ori benigno S. D.

AVDI dabatur Homericō Vlysi per-
egrinatio sua, vt & Platoni quod
auditum Pythagoræos in Graciam
magnā, postea Gymnosophistas cog-
noscendi desiderio etiam in AEGyptum adna-
uigauerit. Me quoq̃, cū artis medicæ tyroci-
nia in Rhætia patria mea edidissē, exterarū
gentium inuisendarum cupido inuasit, vt con-
suetudine exercitatisimorum in arte medica
viroꝝ solidiorem mihi compararem medē-
di peritiā. Ex patria itaq̃ discedens in aulam
Cæsaream primū veni. Vbi me summa hu-
manitate complexus est sapientissimus, & o-
mnium nostræ ætatis medicorum Excellentis-
simus vir Ioannes Crato Wratislaviensis Cæ-
sareus medicus & Archiater, cuius semestri
familiaritate vsus in Morauiam me recepi,
& in illius prouinciæ Archiatri Thomæ Ior-
dani medici celeberrimi amicitiam insinuaui.
Atq̃ eo quidem tempore lues hæc Bruna grassa-
batur. Eruditissimus autem hic vir, non solum
ægrorum curationi operam nauabat, verum-
etiam ortus, incrementa, & finem luis sedulo obser-

EPISTOLA.

observans omnia ægrorum accidentia diligenter inuestigabat, ac perpendebat denique quid quivis consilij sequutus, quæ quisq; remedia etiã ex media plebe cepisset, strenuè inquirere minime verebatur. De hoc itaque morbo summus hic Philosophus ac Medicus commentariolum conscripsit, & partim ne alios hæc labes latigaret, partim ut doctissimos quosq; viros hoc pacto stimularet, quò hac de re sententiam suam proferrent, promulgandum censuit. Ego verò operæ precium me facturum existimaui, si Indicem adderẽ, ut si cui libellus (licet mole exiguus, attamen novitate materiæ gratus, ac imprimis utilis) inter legendum tedium pareret, illi hoc pacto præcipua saltem capita ob oculos ponerentur.

Deniq; cum eiusdem Eruditissimi viri scripta peruoluerem, fortè fortuna incidi in amplissimi ac in unoquoque genere scientiarum doctissimi viri D. Andreae Dudithij epistolã, quæ iudicium ipsius de hoc libello continebat. Eam mihi cum descripsissem, huic opusculo annexendam censui, ne tanti viri censura

re lateret. Vale & faue. Brunne quarto Cal. Iulij.

M. D. LXXIX.

S. P.
MACTE VIRTUTE MI
IORDANE ET FOR-
TIBVS AVSIS.

PERCVRRI commentarium
tuū de Brunnogallico (quid
enim prohibet nouo morbo
nouum nomen indere?) De-
inde etiam legi paulò accu-
ratius. Quid quæris? Ita me bene Deus
amet, nihil in hoc genere legi doctius, ni-
hil ad obscuram & planè abditam rei na-
turam e tenebris in lucem proferendam
accommodatius. Nihil non vides, nihil
non suis ponderibus examinas, nihil nō
excutis. Quàm docta in explicandis re-
bus omnibus, quàm suavis methodus,
quàm scitæ & necessariæ ægrotantium
historiæ. Causarum autem inuestigatio
potest ne esse profundior? Quid verò ex-
cogitari potest firmitus rationib. ijs, quas
ad tuendam sententiam tuam adhibes?
Nihil vanum, nihil futile, nihil peruulga-
tum. Contrarias verò quæ pugnare in
speciem videntur rationes facilè euertis.
Idem mihi sanè euenisse sensi, quod opt.
& doctissimus ille cōmunis noster ami-
cus

E P I S T O L A.

Teus Iulius Alexandrinus sibi usu venisse
 in legendo scribit. Nullas dubitationis
 fibras in animis legentium relinquis, sed
 stirpitus euellis. Breuiter vbique dele-
 ctas, doces, iuuas. Descriptio autē illa ci-
 uitatis istius vestræ, quàm iucunda lectu
 est? Equidem non dubito fore in longin-
 quis nationibus complures, qui cū ea
 legent, tam pulchræ, tam amœnæ, tam sa-
 lubris visendæ vrbis studio inflammen-
 tur. Mihi quidem faces admouisti, etsi
 iam pridem tuæ imprimis consuetudinis
 desiderio planè æstuo, ac sanctè tibi affir-
 mo, nisi mea tempora, & non satis expli-
 catæ rationes obstarent, nusquam liben-
 tius quàm tecum, quod superest ætatis,
 transigerem. Verū aliò me fata mea
 vocant, quæ vtinam non sint iniqua. Si
 tu in illis locis esses, in quæ ego commi-
 grare constitui, nihil amplius require-
 rem. Causas non explico, ne assentari ti-
 bi videar, a quo vitio, & natura, & con-
 suetudine quam longissimè semper ab-
 fui. Redeo ad librum tuum aureum. Pla-
 cet D. Iulio inscribas, quemadmodum
 initio constitueras. Nam quod vis me N.
 ἡγεμῶν, quis ego sum, obsecro, qui tan-

E P I S T O L A.

tam rem aggredi debeam? Aiste nescio
quid inaudiuisse de præfatione quadam
mea in alium quendam libellum. Ita est,
sed similes habent labra lactucas. Tua
maiore religione, & grauitate tractanda
essent. Suadeo, & rogo, vt primo quoque
tempore ad Wechelum, siue quem ali-
um typographum mittatur hæc
tam bellæ, tam reconditæ
doctrinæ referta com-
mentatio tua, &c.

*Pag. 35. exemplaris vitio commissa men-
da sic corrige. Pro Indici ff. v. scribe, Indici
ff. ff. Loco § v. § xv. § xv. ubiq; lege § ff.
§ j ff. § j ff. Pag. 92. vers. 2. pro videtur, l.
videlicet.*

Abscef-

I N D E X.

A bscessus quales fuerint	Ars in agentibus natura-
pag. 12. 13. 14. 15	liter non superat na-
Accidentia luis Brun-	turam 69
nensis 6	Arsicua & Arsicina Pto-
Adamus balneator corā	lemco 1
senatu accusatus 17	B alneator Euanscien-
Edificio balnei contagii	sis, quib. remediis ad-
causa nō tribuenda 66	uersus contagium hoc
Agaricus cur prepare-	usus sit 35
tur 61	Balnei structure luis hu-
Agens alteri non impertit	ius causam non tribu-
qualitatem, qua ipsum	endam 66
destituitur 80	Brunna etymon 1. situs
Alexander Petronius Ro	ibid.
manus medicus insignis	Brunnensis fluvii Niger ,
64	& Suittanus 5
Alopecia in hac lue non	Brunnensis ager feracif-
est visa 92	simus ibid.
Alopecia unde ibid.	Brunnensium hominum
Andernacus de turpeto	mores & victus ratio 6
scripsit 60	Bulle lotio innatantes hy-
Angelicae extractum 41	drargyro obducta 64
Anna Seplasiarii cōiunx	Bubones hac lue infectis
lue correpta, quibus ac-	nulli fuerunt 92
cidentib. infestata, qui-	C atabaptistarū reme-
bis remediis usa 33.	dia contra contagi-
usq. ad 40	um 27
Antidotus cutaneis affe-	Causa Brunnensis conta-
ctib. curādis prestās 35	gii quae 82. 84. 86. 94
Aqua contagii Brunnen-	Chirurgorum imperitia
sis causam non tribuen-	subsidia porrexit luis in-
dam 72	cremento 90

I N D E X.

Colica affectio quo pacto	requirantur	79.80
in Italia grassari coepe-	Cucurbitula cur putre-	
rit	51 dinis basis	88.89
Colica passione recens in	Cucurbitulam contagi	
lucem editos infantes	causam non fuisse	73.
affligi	52	74
Colicam passionem para-	Cucurbitis subiectorum	
lysis sequuta.	ibid. locorum unus, vel duo	
Colici dolores ex turpeti	tantum ex pluribus ex-	
mineralis usus	41 ulcerata sunt	13
Cometa visus	98	
Cometa principibus in-	DEcoctum quo usus au-	
fausta portendit, adhu-	tor aduersus luem	
miliora verò se non di-	47	
mittit	101	
Contagium arte non ex-	Discrimen inter luem	
citatur	69	
Contagium non a forna-	cam	57.58
ce profectum, ibidem.	Dolores Colici ex usu	
non a silicibus, ibid.	turpeti mineralis	41
non a vaporibus	71. Elephantiasis luem se-	
non ab aqua	72. cuta	45
non a cucurbitula	73. Emplastrum Gryseum	
74.75. non a phle-	22	
botomo specillo	75.76. Erastus medicus	54
non a pinguedine, qua	Exercitatione crebra &	
stigmata illinuntur	77. valida ab hac lue cura-	
77	tus quidam	65
Cotagii causa balnei stru-	FLuuius Niger, & Su-	
ctura non tribuenda	93	
66	Fomenta contagionis	
Contagii generationi qua	Fornax contagii causa	
	non fuit	69
		Gar.

I N D E X.

- | | |
|--|---|
| <p>G Argarismata Teng-
lerique & qualia 39
Gonorrhœa nemine hac
lue correptum afflixi
57.92
Gulielmus de Lippa pa-
ralysi liberatus 52</p> <p>H Erba Britannica 51
Humores criticè e co-
lo in nervos transmitti
54</p> <p>Hydrargyrũ lotio inna-
tans 64
Hydrargyrum peluis pa-
rietibus adherere vi-
sum 44
Hyoscyamus peregrinus
Tabacca fœmina di-
ctus 24</p> <p>I Gnis immodica siccita-
te putredini resistit 70
Indica luis cantela praci-
pua 78
Indica luis focus iecur 62
Indeus Elephantiasicor-
reptus 86
Indeus quidam luc extin-
ctus 45.86</p> <p>K Odroffskius eques Po-
lonus validis exerci-
tiji a contagio liberatus
65</p> | <p>L Aconicum quid 20
Lues Brunnensis in qui-
bus ab Indica differat
56.57.58
Lues Brunnensis Indici
morbi remedijs curata
58.59
Luis accidentia 12
Luis Brunnensis semina-
ria a balneo profecta
12
Luis incremento Chirur-
gorũ imperitia subsidia
porrexit 90
Luis principia unde ex
autoris sententia 82.
vsq; ad 88
Lue Indica quæ mem-
bra primò polluantur
57
Malignitas non semper
copia, sed agendi ve-
hementia & promptitu-
dine aestimatur 92
Mentagra 51.56
Mercurius a praci-
tato reniuit 63.64
Mithridatum ab au-
thore exhibitum infe-
ctis profuit 29
Moravia veterib. Mar-
comannia dicta 1</p> |
|--|---|

I N D E X.

<i>Moravia piscinis abun-</i>	<i>Phlebotomum specillum</i>
<i>dat</i>	6
<i>Morbus Brunnenfis ex</i>	<i>contagii disseminandi in-</i>
<i>cōcubitu propagatus nō</i>	<i>strumentum non fuisse</i>
<i>est</i>	75.76
<i>Morbus hic novus qua</i>	<i>Pillula Barbarosa a Ron</i>
<i>in re conveniat, & in</i>	<i>deletio celebrata</i>
<i>quibus dissentiat a lue</i>	60
<i>Indica</i>	<i>Pillula quibus autor ad-</i>
56.57.58	<i>versus luem usus est</i>
<i>Morbus ibi est, ubi do-</i>	47
<i>lor, calor, frigus, sudor,</i>	<i>Pinguetudini, qua stigma-</i>
<i>&c.</i>	<i>ta illinuntur, causa con-</i>
89	<i>tagii non tribuenda</i>
<i>Morbos novos prioriano</i>	77
<i>dat</i>	<i>Piscinis Moravia abun-</i>
<i>incognitos extitisse</i>	6
50	<i>Principibus cometa mi-</i>
<i>Nephritides turbith mi-</i>	<i>natur, ad inferiora se nō</i>
<i>neralis usum subsecu-</i>	<i>dimittit</i>
<i>ta, & alia multa mala</i>	101
32.40.41	<i>Pruna Brunnenfis pala-</i>
<i>Opinio eorum qui exi-</i>	<i>togratisissima, & alio ci-</i>
<i>stimarunt luem hāc</i>	<i>ende accommodatissi-</i>
<i>ecrinita stella, vel a di-</i>	<i>ma 4. Eadem My-</i>
<i>verso astrorū positi ori-</i>	<i>xariis comparantur</i>
<i>ginem traxisse</i>	5
98.99	<i>Pustula quales lue infe-</i>
<i>Opinionis eiusdem confu-</i>	<i>ctos inuaserint</i>
<i>tatio</i>	13.14
101	<i>Putredo animantis ac-</i>
<i>Ossium caries ab Hydrar</i>	<i>cidens</i>
<i>gyro oritur</i>	81
63	<i>Putredo quo pacto a cu-</i>
<i>Paulus Barsarius lue</i>	<i>curbita vestigio in totū</i>
<i>correptus misere ex-</i>	<i>corpus transmissa</i>
<i>piravit</i>	97
43	<i>Putredinis basis ubi infi-</i>
<i>Pellio Zahrdonicēsis suf-</i>	<i>xa</i>
<i>focatus</i>	83
59	<i>Questio pulcherrima,</i>
	<i>cur scilicet cucur-</i>
	<i>bitula</i>

I N D E X.

bitula putredinis basis	seminarunt	69
fuerit	103.104	Spilmburg arx Mora-
Quæstio alia cursu solis cal	nix	1
pro vulnerati, & cucur	Stomacace & Sceletyrbe	
bitula vsi, labe infecti	51. & 56	
sint	50. 51. 52	Structura balnei conta-
Quercetanus turbidum mi	gu causa non tribuenda	
neralis cōfectionem de-	66	
scribit	60	Sudor Anglicus 54. &
R Ecidina causa	39 56	
Remedia aduersus pu	Sudorificum cōtra luem	
stulas	48 48	
Remedia balneatoris E-	Suspicio falsa eorum qui	
uanficiens	46 existimant, Balneato-	
Remedia Catabaptistarū	rem Indico morbo labo-	
aduersus luem Brun-	rasse, & inde ortum esse	
nensem	27 contagium 77	
Remedia quibus author	Symptomata luis Brun-	
lue infectos curauit	38. nensis 12. 13. 14. 15	
& 47	T Abacca succus vene-	
S Cheettermanni uxor cō	nata ulcera persanat	
tagio infecta	41. quæ 64	
& qualia passa sit	42. Tabacca qualitates 91	
43	Tenglerus aduersus hanc	
Semina cōtagii initio te-	luem multa frustra ex-	
nuia fuisse	96 peritur remedia 22. 28	
Semina luis a balneo pro	qualia illa fuerint. ibid.	
fecta	12 Therma Viennenses 84	
Seminaria contagii hu-	Thomas Brenner cū con-	
miditatem deposcūt	70 iuge morbo correptus	
Senapreparata	47 44	
Silices contagium nō dis-	Toxicum e napello 76	

I N D E X.

<i>Tractatus ordo</i>	50	<i>rini</i>	24
<i>Turbith minerale</i>	30.	<i>Veneniscopus interit'</i>	68
<i>illius incommoda</i>	31.	<i>Venena e diametro cor</i>	
	39.61.62	<i>oppugnant</i>	69
<i>Turpetum minerale assu</i>		<i>Venenata ulcera subli-</i>	
<i>medimodus</i>	60. & 61	<i>mati usu persanantur</i>	
<i>Vapor distributioni co-</i>	64.		
<i>tagis opem tulit</i>	71	<i>Veratri preparatio in</i>	
<i>Vapores in Balneo excita</i>		<i>quem fine instituta</i>	61
<i>tos contagium commu-</i>		<i>Virus ut a multis facile</i>	
<i>nicare non potuisse, ibid.</i>		<i>comprehensum fuit, ita</i>	
<i>Vencesilaus Rausch lue</i>		<i>etiam ab aliquibus dif-</i>	
<i>infectus 23. quæ ipsum</i>		<i>flari & dissipari potuit</i>	
<i>symptomata infestane-</i>		<i>97.</i>	

F I N I S.

